

Ingerlatsinermik kuk-  
kunersiuilluni misis-  
suineq  
2015-imi ava-  
leraasartuunit pias-  
siissutit

# Imarisai

<b>1.</b>	<b>Aallarniut</b>	<b>4</b>
<b>2.</b>	<b>Suliap nassuiarnera</b>	<b>5</b>
<b>3.</b>	<b>Eqikkaaneq</b>	<b>7</b>
3.1.	Aqutsinermut tunngaviusoq	8
3.2.	Agguaassinissamut najoqqutassat nassuiaataat	8
3.3.	Agguaassinissamut najoqqutassanik paasissutissiineq	9
3.4.	Qinnuteqartunut piumasaqaatit	9
3.5.	Qinnuteqaatit pitsaassusaat	10
3.6.	Sullissinermi agguaassinermut najoqqutassanik malinnittussaaneq	10
3.7.	Assuarnaatsuunissamut tunngasut	12
3.8.	Naalackersusoqarfiup pisinnaassuseqarneranik piginnaanngorsarsimaneranillu naliliineq	13
<b>4.</b>	<b>Suliap ingerlarnga, tulleriissaakkamik</b>	<b>14</b>
<b>5.</b>	<b>Pisassanik agguaassineq</b>	<b>17</b>
5.1.	Aqutsinermi tunngavissanik naammattunik erseqqissunillu pilersitsisimaneq	17
5.2.	Agguaassinermi najoqqutassat atorsinnassusilimmik, eqqorluartumik kinaassusersiunngitsumillu nassuiarneqarsimanissaat	21
5.2.1.	Pingaarnertitanik salliutitsinermi pisassanik agguaassinissamut najoqqutassat	21
5.2.2.	Salliutitat tulliini pisassiissutissanut najoqqutassat	22
5.3.	Agguaassinissamut najoqqutassat naammattumik erseqqissulimmik qinnuteqartunut nalunaarutigineqarsimapput	24
5.4.	Qinnuteqaatip ilusissaanut piumasaqaatit naammattut kiisalu qinnuteqaatini uppernarsaatit	26
5.5.	Agguaassinermi najoqqutassanik atuutsitsineq	27
5.6.	Sullissinerup agguaassinermi najoqqutassanik malinninnissaa	28
5.6.1.	Pisassanik agguaassinermi pingaarnertullugit salliutitat	28
5.6.2.	Salliutitat tulliini pisassiissutinik agguaassineq	29
<b>6.</b>	<b>Assuarnaassuseq</b>	<b>36</b>
<b>7.</b>	<b>Sulisinnaassuseq piginnaasaqassutsillu</b>	<b>39</b>
7.1.	Sulisinnaassuseq	40
7.2.	Piginnaanngorsarsimassuseq	41
<b>8.</b>	<b>Maluginiakkat allat</b>	<b>42</b>
8.1.	Angallatit attartukkat	42





## 2. Suliap nassuiarnera

Inatsisit malillugit Naalackersuisut TAC-mik (Total Allowable Catch-mik/Pisassiissutit qummut killiffissaannik) aalajangersaasussaapput, tassalu Kalaallit Nunaata aalisarsinnaanermut killeqarfiata iluani pisassiissutaasinnaasut tamakkiisut tunngavigalugit.

Tamatuma kingorna sinerissamut qanittumi avataasiorlunilu aalisarnermi najoqqutassatut aalajangersakkat sukumiinerusut tunngavigalugit pisassiissuteqartoqartussaavoq.

2015-imi avaleraasartuunik aalisarnermut atatillugu Naalackersuisut marlungornermi 8.april 2015 avaleraasartuunik pisassiissutissanut najoqqutassanik aalajangersaapput.

*"Avaleraasartuut 55.000 tonsit selskabinut Kalaallit Nunaanni angallataatilinnut pisassiissutigineqassapput. Naalackersuisunit salliutinneqarput selskabit nammineq angallataateqareersut taamalu ukioq naallugu inuttanik suliassaqartitsinermik qulakkeerinnissinnaasut.*

*Avaleraasartuut 30.000 tonsit selskabinut najukkami najugaqarnermik atassuteqarluarnermik uppernarsaasinnaasunut taamalu sinerissamut qanittumi aalisarsinnaasunut aamma/imaluunniit selskabinut kalaallinik inuttanik aalisakkanik ikerinnarsiortunik aalisarnermik ilinniartitsisimanermik takutitsisinnaasunut.*

*Pingaartuuvoq angallatit kalaallinit pigineqartut salliutinneqarnissaat kiisalu taakku pisassiissutissani naammattunik pissarsitinneqarnissaat. Taamaaliornikkut qulakkeerneqasaaq kalaallit aalisakkanik ikerinnarsiortunik aalisariutaatillit kiisalu aalisakkanik ikerinnarsiortunik aalisarnissamut inuttat kalaaliusut akornanni piginnaanngorsaanissaq.*

*Ilutigitillugu pingaartinneqarpoq selskabit kalaallit angallataataannik tunuliaqutaqartut ikaarsaariarnermi nunat allammiut angallataataannik attartornissamut periarfissaqarnissaat. Taamaaliornikkut qulakkeerniarneqarpoq ungasinnerusoq isigalugu aningaasaliissutissatigullu artukkiinaveersaarnissaq eqqarsaatigalugit kalaallit nutaanik angallataartorerisa assigisaasalu aqqutissiuunneqarnissaat.*

*2014-imi avaleraasartoorniarnermi angallatit kalaallinit pigineqartut pisassiissutisaraat 31.584 tonsit, pisassiissutaasunit tamakkiisunit 78.670 tonsiusunit. Naatsorsuutigineqarpoq angallatit kalaallinit pigineqartut ukioq manna siornamut naleqqiullugu aalisarnerusinnaanerat."*

Qinnuteqaqqusinermut atatillugu immersugassanik suliqartoqarpoq, qinnuteqartut atasiakkaat pisassiissutissanik pissarsiniarnerminni immersugassaannik.

2015-imi upernaakkut avaleraasartuunik pisassiineq tusagassiuutigut annertuumik oqal-linnermik pilersitsivoq taamaammallu Aalisarnermut, Piniarnermut Nunalerinermullu Naalackersuisoqarfiup qinnutigaa ukiumi avaleraasartuunik pisassiinermut atatillugu su-liap ingerlasimanera pillugu kinaassusersiortuunngitsumik ingerlatsinermi kukku-nersuisoqassasoq – ilaatigut makku paasiniarlugit:

1. Avaleraasartuunik aalisakkanillu ikerinnarsiortunik allanik Kalaallit Nununaanni aali-sarnermi aqutsinermut tunngavissat naammattumik erseqqissumillu tunngavissi-orneqarlutillu allaffissornikkut aqunneqarsimanersut.
2. Tunniussinermi najoqqutassat atorsinnaassusilimmik, eqqorluartumik kinaassusersi-unngitsumillu najoqqutassiunneqarsimanersut, tassunga ilanngullugit erseqqissumik najoqqutassaqaarner-soq pisassiissutissat qinnuteqartunut piukkunnassuseqartunut agguaanneqarsimanersut.
3. Tunniussinermi najoqqutassat qinnuteqarumaarsinnaasunut naammattumik erseqqissusilimmik paasissutissiissutigineqarsimanersut.
4. Qinnuteqartitsineq malitseqartinneqarsimanersooq qinnuteqaatit qanoq iluseqar-tussaaneriniq piumasaqaatinik kiisalu pisassinneqarnissap qanoq ingerlanissaanut paasissutissat pingaaruteqartut uppenarsaatissaqartinneqarnersut.
5. Qinnuteqaatit naammattumik uppenarsaatitaqarnersut, ingerlatsiviup pisassin-neqarsinnaanermut najoqqutassanik naliliinissaanut tunngaviliisunik aamma-lu/imaluunniit ilassutissatut paasissutissat tunniussinermi najoqqutassanik naliliinis-samat atugassanik pissarsiniartoqarsimanersooq.
6. Pisassiissutissiinermi najoqqutassatut tunuliaqutaasut malillugit kinaassusersiorani agguaassisoqarsimanersooq.
7. Ingerlatsinermi ileqqussarititaasut malillugit suliaq ingerlasimanersooq – tassunga ilanngullugu kinaassusersiunnginnissamat malittarisassat - agguaassiner-mi malin-neqarsimanersut.
8. Naalackersuisoqarfik suliassamik ingerlatsinermini naammattumik pisinnaas-suseqarsimanersooq piginnaangorsarsimanersorlu.

Nalunaarusiap matuma sularisimasatta imaraa suliap qanoq ingerlasimanera – kiisalu sulinitta kingunerisaanik oqaaseqaatit eqikkaallunilu naliliinerit.

Misissuineq ingerlanneqarpoq piffissami 01.08.2015-imiit 16.10.2015-imut. Aamma mi-sissorneqarput atortussat pissarsiarineqartut, Naalackersuisoqarfimmik oqaloqateqarnerit kiisalu sullissinermik misissuinitinni misiligutitut tigusat tunngavigalugit. As-suarnaatsuunissamik misissuiner-mut atatillugu advokati immikkut ittumik naliliisinneqar-poq.

### 3. Eqikkaaneq

Aalisarnermut, Piniarnermut Nunalerinermullu Naalackersuisoqarfiup si-naakkutissatut agguaassinermi najoqqtassiissutigineqartut iluanni qinnuteqaatit suliarisimavai. Suliap ingerlarngata takutippaa agguaassinisamut najoqqtassat siusinnerusukkulli atorsinnaassusilimmik, eqqorlu-artumik kinaassusersiunngitsumillu naammattumik najoqqtassiuun-neqarsimangitsut.

Tamanna pissutigalugu Naalackersuisoqarfiup sullissinermini najoqqtassanut ilassutissat taakkulu qanoq paasineqarsinnaaneri itisiliiffigisimavai. Ilassutitut najoqqtassat qanorlu paasineqarsinnaanerinik nasuiaatit qinnuteqartut siumut ilisimasimangilaat taamaattumillu agguaassinerup ingerlarnga qinnuteqartunut erseqqarluttortaqarsimavoq.

Tamannali agguaassinermi immikkut malunniussimavoq salliutitat tulliniit-tunut (selskabit kalaallinit pigineqartut nammineq angallataateqanngitsut).

Pisaassiissutaasinnaasut sinnerlugit qinnuteqartoqarsimavoq. Qinnuteqartut akuerineqarsinnaasut amerlanerussappata (najukkamut atasuteqarluartut aamma/imaluunniit inuttanik kalaallinik ilinniartitsisinnasut) agguaassinissamut najoqqtassatut saqqummiunneqarsimasut malilugit tamanna makitsinikkut aalajangiinermik kinguneqartussaavoq. Naalackersuisoqarfiup taarsiullugu inassutigimmagu selskabit tallimat amerlanerpaamik piginnittullit kiisalu selskabit kalaallinik inuttanik amerlanerpaanik ilinniartitsisinaasut pisassinneqarnissaat, makitsinissaq pisariaarussimavoq.

Aalisarnermut, Piniarnermut Nunalerinermullu Naalackersuisoq Naalackersuisoqarfiup pisassanik inassutai politikikkut suliarineqartus-sanngormata suliami akuliusimasutut imminut nalunaarutigivoq.

Aalisarnermut, Piniarnermut Nunalerinermullu Naalackersuisup Naalackersuisoqarfiullu atuuttussanngortitsinerup nalaanili qanoq pisoqarsinnaanera siumut takusinnaasimasariaqaraluarpaat – naalackersuisormi naalackersuisunngunngikkallarami selskabimik aalisarnermik ingerlatsi-sumik piginneqataasimammat (ilaquttatullu qanigisaa suli piginneqataammat).

Taamaattoqarsimasuuppat malittarissanik suliaqartoqarsimassagaluarpoq selskabit sorliit Naalakkersuisup assuarnaatumik sulinissaanut tunngatillugu upalungaarfigineqassanersut – taamalu pineqartumut tunngasoq siusinnerusukkulli paasineqarsimassagaluarluni.

Erseqqissarneqassaarli Aalisarnermut, Piniarnermut Nunalerinermullu Naalakkersuisoq selskabimik salliutitsiniarsimasutut pasillerneqarsinnaanerani malunnattoqangimmat – imaluunniit misiliigaluarsimangimmat.

### 3.1. Aqutsinermut tunngaviusoq

**Suliap nassuiaataani immikkoortoq siulleq:**

Kalaallit Nunaanni avaleraasartuunik aalisarnermik aalisakkanillu ikerinnarsiortunik allanik aalisarnermik aqutsinermut tunngavissat allaffisornikkullu suliap naammattut erseqqissullu pilersinneqarsimapput.

Aqutsinermut tunngavissat pingaarnersutigit pisassiissutissanik agguaassinermi anguniakkanik najoqqutassanillu imaqarput, pingaarnertullugit salliutitani salliutitalu tullii.

Sullissinerup ingerlarngata takutippaa aqutsinermut tunngavissat immikkoortut ilaanni agguaassinermut tunngavissanut saqqummiunneqartunut sanilliullugit naammattumik atorsinnaassusilimmik, matussusiisumik erseqqissumillu suliarineqarsimangitsut.

### 3.2. Agguaassinissamut najoqqutassat nassuiaataat

**Suliap nassuiaataani immikkoortut aappaat:**

Agguaassinissamut najoqqutassat atorsinnaassusilittut, eqqorluartutut kinaassusersiungitsutullu nassuiarneqarput – tassunga ilanngullugit erseqqissumik nassuiarneqarsimalluni pisassiissutissat qinnuteqartut akuerineqarsinnaasut akornanni agguaanneqassanersut.

Agguaassinermut najoqqutassani oqariartaatsit ilaat erseqqinnerusumik nassuiaassinisamik pisariaqartitsippat.

Taakkua ilaatigit oqariartaatsinut makkununga tunngasuupput:

- Najukkamut atassuteqarluartuuneq
- Sinerissamut qanittumi aalisarnermi annertuumik peqataaneq



- Kalaallinik inuttanik ilinniartitsineq

Sullissinerup ingerlarngata takutippaa agguaassineruput najoqqutassat saqqummiun-  
neqarsimasut ilaatigut tamakkiisuunngitsumik atorsinnaassusilimmik, eqqorluartumik ki-  
naassusersiortuunngitsumillu oqaasertalersorneqarsimasut.

### 3.3. Agguaassinissamut najoqqutassanik paasissutissiineq

**Suliat nassuiaataanni immikkoortut pingajuat:**

Agguaassinissamut najoqqutassat qinnuteqartussat ilimagineqarsinnaasunut paasissutissiis-  
sutigineqarsimanerat naammaginartumik pisimavoq.

Naalackersuisoqarfiup soqutigisaqaqatigiit pisassinneqarnissamik soqutiginnillutik  
takutitsisimasut toqqaannartumik saaffigisimavai – tassumalu saniatigut agguaassinissa-  
mut najoqqutassat ilisimaneqareersut Namminersorlutik Oqartussat nittartagaatigut tusa-  
gassiuutitigullu nalunaarummi takuneqarsinnaasimapput.

Agguaassinissamut najoqqutassat naammattumik nassuiarneqarsimangippata –  
imaluunniit erseqqarluppata, paasissutissiinissaq assinganik amigaaqarsimassaaq.

Nalilerneqarporli paasissutissiineq naammattumik ingerlanneqarsimasoq.

### 3.4. Qinnuteqartunut piumasaqaatit

**Suliat nassuiaataanni immikkoortut sisamaat:**

Qinnuteqartitsinerup ingerlarnganut tapertaritillugu qinnuteqaatissap ilusilersornissaanut upper-  
narsaatitullu paasissutissanik sunik ilaqartinnissaanut piumasaqaatit naammattut tunniun-  
neqarsimapput.

Qinnuteqarnermi immersugassamik naatsumik ilitsersuummillu suliaqartoqarsimavoq –  
atortussaq agguaassinissamut najoqqutassat sulii aalajangersarneqannginneranni suliar-  
neqarsimasoq tunngavigalugu.

Sullissinerup ingerlarngata takutippaa qinnuteqarnermi atortussat ilusilersorneqarnermik-  
kut siunertamut tulluarnerusinnaagaluarput erseqqinnerullutillu, taamaaliorneq qin-  
nuteqartunut Naalackersuisoqarfimmilu sulineruput qinnuteqaatinik takkuttunik suliaqar-  
nermi oqilisaassisimassagaluarpat.

### 3.5. Qinnuteqaatit pitsaassusaat

**Suliat nassuiaataanni immikkoortut tallimaat:**

Qinnuteqaatit uppernarsaatinik naammattunik pilersorneqarsimapput taamalu allaffeqarfimmi naliliinissamut tunngavissanik pilersitsisinnaassuseqarlutik aamma/imaluunniit ilassutitut paasissutissanik piniarnissamut atugassanik paasissutissanik naammattunik pilersorneqarsimallutik.

Qinnuteqaatit pissarsiarineqarsimasut amerlasuut amigaateqarput – tamatumalu kingunerisaanik Naalackersuisoqarfik ilassutitut paasissutissanik pissarsiniartariaqarsimavoq.

Tamanna qinnuteqarfissamut killigititaasup naareernerani qinnuteqaatit suliarineqarneranni aatsaat paasineqarmat, qinnuteqartut piffissap sivikitsuinnaap iluani paasissutissanik allanik kissaatigineqartunik nassiussisussanngortitaasimapput.

Piginnittut sinerissamut qanittumi massakkut aalisarnermik ingerlatsisut uppernarsaatinik nassitsisimangillat.

Ataatsimulli isigalugu nalilerneqarpoq atortussat pigineqartut – piginnittut sinerissamut qanittumi massakkut aalisarnermik ingerlatsisut eqqaassanngikkaanni - pissarsiarineqarsimasut tunngavigalugit sullissineq naammattumik ingerlasimasoq.

### 3.6. Sullissinermi agguaassinermut najoqqutassanik malinnittussaaneq

**Suliap nassuiaatitaani immikkoortut arferngat:**

Pisassiissutissanik agguaassineq pisimavoq najoqqutassatut aalajangersakkat kinaassuser-siortuunngitsut tunngavigalugit.

Naalackersuisoqarfiup sullissinerup ingerlarngani inassutigisimavaa pisassiissutissani pingaarnerutillugit salliutitanut agguaanneqassasut angallatit kalaallinit pigineqartut pisinnaassusiat kiisalu angallatit kalaallinit pigineqartut amerlassusaat tunngavigalugit. Salliutit tulliini Naalackersuisoqarfiup inassutigaa qinnuteqartunut inassutigineqartunut naligiimmik pisassiisoqarnissaa.

Pingaarnerutitanik salliutitsinermi (selskabit kalaallinit pigineqartut nammineq angallataatillit) sullissinermi annertunerusumik unamminartorsiorfiusimangillat.

Salliutit tulliini (selskabit kalaallinit pigineqartut namminneq angallataateqanngitsut) sullissinermi arlalinnik unamminartorsiorfisisimapput, tunniussinissamut najoqqutassat

ilaatigut ersernerluttortaqarmata taamalu naammattumik atorsinnaassusilimmik, eqqorlu-artumik kinaassusersiunngitsumillu najoqqutassiinissaq amigarsimalluni.

Taamaattumik naalackersuisoqarfimmi sullissisut agguaassinissamut najoqqutassanik itisiliisimapput najoqqutassat taakkulu qanoq paasineqarsinnaanerit ilassutitut suliarisimallugit. Najoqqutassanut ilassutit qanorlu paasisariaqarnerinut nassuiaatit qinnuteqartunit siusinnerusukkut ilisimaneqarsimangillat – taamaammallu qinnuteqartunik sullissinermi tamakkiisumik erseqqissuliornissaq amigaataasimavoq.

Pisassiissutissanut naleqqiullugit qinnuteqaatit amerlapput (pisassiissutit aningaasarsiornikkut iluanaarutaasinnaassuseqartut). Naalackersuisunut saqqummiussassaq 11. marts 2015-imeersoq ”Agguaassinermi salliutitsineq kiisalu avaleraasartuunik aalisakkanillu allanik ikerinnarsiortunik 2015-imi pisassiineq” naapertorlugu qinnuteqartut akornanni pi-umasaqaatinik nammassinnissimasut amerlaneruppata makitsisoqassasoq.

Makitsisoqarsimangilaq Naalackersuisoqarfimmit pingaartinneqarmat ataasiakkaanut pisassiissutaasut aningaasaqarnikkut akilersinnaassuseqartuunissaat. Tamanna annertusilerneqarpoq 5.- 6.000 tonsinut taggineqartumik. Salliutitat aappaanni pisassiissutisat tamakkiisut 30.000 tonsiummata, taakkua selskabit 5-6-inut agguassatut naatsorsorneqarput.

Selskabit tallimat tassaapput 20-nik amerlanerusunit piginneqataaffigineqartut – ataaserlu selskabiuvoq inuttanik qulit sinneqartunik ilinniartitsisimasoq. Selskabit taakkua 5.000 tonsinik pisassinneqarnissaat innersuusutigineqarpoq.

Assersuutigalugu selskabit ikinnerusunit piginneqataaffigineqartut najukkamut atasuteqarluartuusut pineqarsimasuuppata, tamanna makitsinikkut aalajangersaaffigineqarsimassagaluarpoq.

Pisassanik agguaassineq agguaassinissamut najuqqutassanut suliarineqarsimasut iluani pivoq, agguaassinissamulli najoqqutassat sullissinermi itisilerneqarput ilassutitut najoqqutassanik taakkulu nassuiaatissaannik ilaneqarlutik.

Illassutitut najoqqutassanik taakkulu nassuiaatissaannik ilassuteqarnerup saniatigut oqaatigisariaqarpoq sullissineq kinaassusersiunngilluinnarluni ingerlanneqarsimamat.

Piginnittut massakut atuuttunik sinerissamut qanittumi aalisarsinnaanermut uppernaateqarnerisut paasiniarneqarsimangillat, taamaattumillu taakku najoqqutassanik eqqutitsitsisimaneqarsut nalilerneqarsimangillat. Taamaaliorneq ajuusaarnartuuvoq, uppernarsaateqartitsinissaq najoqqutassatut pingaartutut pi-umasaqaataammat.

Aammattaaq naliliivugut itigartitsilluni allakkat nassiu-  
neqarsimasut iluamik tunngaviler-  
sorneqarsimangitsut tamannarpiarlu pissutaasinnaavoq arlaqartut naammagittaal-  
luteqarsimaneqarsimangillat. Piffissaliunneqartup iluani itigartitsilluni allakkiornissap tunngaviler-  
sorluakkap suliarineqarnissaa ajornakusoorpat qinnuteqartullu tamarmik ataatsikkut ilisi-  
matinneqartussaappata periuseq marlunnut avinneqartussa-  
aq eqqarsaatigineqarsinnaavoq. Taamaaliornikkut akuerineqartut itigartitaasullu ataatsikkut nalunaarf-  
igineqarsin-

naassagaluarput piffissallu aalajangersimasup iluani kingusinnerusukkullu itigartitsiner-  
mut tunngaviusunik nassuiaassilluni allagarsisinnerqarlutik.

### 3.7. Assuarnaatsuunissamut tunngasut

**Suliap nassuiaatitaani immikkoortut arfineq-aappaat:**

Pitsaasumik ingerlatsinissamut ileqqussarititaasut malinneqarsimapput – tassunga ilanngullugit  
assuarnaatumik ingerlatsinissamut malittarisassat – agguassinissap ingerlarngani.

Aalisarnermut, Piniarnermut Nunalerinermullu Naalakkersuisup Naalakkersuisoqarfiullu  
takusinnaareersimasussaagaluarpaat taama pisoqarsinnaanera – Naalakkersuisup  
naalakkersuisunngunnikkallarami selskabimik aalisarnermik ingerlatalimmik pigin-  
neqataanera pissutigerpjarlugu (ilaqutaasullu suli piginneqataanera).

Taamaalilluni aamma malittarisssanik suliaqartoqarsimassagaluarpoq Naalakkersuisoqarfimmit  
ilisimaneqalerluni selskabit sorliit Naalakkersuisup akuliusimaffigai – taamalu pisoq siusinne-  
rusukkulli paasineqarsinnaasimagaluarpoq.

Selskabimit qinnuteqaatip tiguineqarneraniilli sullissisut ajornartorsiut maluginiarsimasus-  
saagaluarpaat. Allatut eqqarsassagaanni aamma Naalakkersuisoqarfimmi selskabimit  
mailisiaq tiguineqaannartorli ajornartorsiut maluginiarneqarsimasussaagaluarpoq.

Piffissat arlallit nalaanneqarneranni assuarnaatsuunissaq pillugu ajornartorsiut malugi-  
neqareertussaagaluarpoq.

Tallimangornermi 8. maj assuarnaatsuunissamut tunngasut unamminartunngornerisa  
nalaannili - paasissutissiissutaasut malillugit – tamanna paasineqaannartorli kimut atta-  
veqarnermut tunngasut piaartumik Aalisarnermut, Piniarnermut Nunalerinermullu Naalak-  
kersuisumiit Naalakkersuisut siulittaasuannit suliassanngortitaapput. Pisortatigoortumik  
kimut attaveqarnermut tunngasut aatsaat tunniunneqarput ulloq 14. maj Naalakkersuisup  
suliamut akuliusimanini uppernarsarlugu nalunaarutigimmagu.

Erseqqissartariaqarporli Aalisarnermut, Piniarnermut, Nunalerinermullu Naalakkersuisoq  
pasinartumik iliuseqarsimanngimmat - iliuseqarniarsimananilu – tassa selskabi pigin-  
neqataaffigisani iluanaarutissat eqqarsaatigalugit sunniuteqarfiginiarsimanngimmagu.

Taamatut isummorsoneq eqqartuussuserisumut arlaannannilluunniit illersuisuunngit-  
sumut immikkut ilisimasalimmut naliliiffiginneqarsimavoq naliliinerlu taassuma taperser-  
paa.

### **3.8. Naalackersusoqarfiup pisinnaas-suseqarneranik piginnaanngorsarsimanageranillu naliliineq**

**Suliap nassuiaatitaani immikkoortut arfineq-pingajuat:**

Naalackersuisoqarfik suliassap kivinnissaanut naammattunik sulisinnaassuseqarpoq piginnaas-suseqarlunilu.

Atortussatut saqqummiunneqartut tunngavigissagaanni nalileruminaappoq pisinnaas-suseqarnermik tulluatumik pigisaqartoqarnersoq.

Naalackersuisoqarfimmi ilisimatitsissutigineqarpoq suliassaqarfiup iluani aalisakkanik ikerinnarsiortunik suliaqarneq aallartimmat sulisut amerlineqarsimanngitsut.

Naalackersuisoqarfimmi oqaloqatigiinnerit tunngavigissagaanni qularutissaanngitsumik qinnuteqaatit tiguneqareernerisa kingorna sullissinermi suleruluttoqarsimammat.

Illuangutaatigulli oqaatigisariaqarpoq suliap ingerlarngani – immikkoortortamilu suliassamik aaqqissuussinermi allami – periuseq allatut pitsaanerusumillu ingerlanneqarsinnaasimagaluarmat, soorlu sulisunik immikkut sulisitsilluni.

Qularutissaanngitsumik sullissisut aalisarnermut tunngasunut piginnaanngorsarsimasuupput - sullissisulli namminneq oqarput piginnaanngorsarsimanitik selskabit kikkunin pigineqarnerinik aningaasarsiornikkullu qanoq aaqqissuunneqarsimaneritik paasisimassat eqqarsaatigalugit qaffassarneqarsinnaagaluartut.

## 4. Suliap ingerlarnga, tulleri- issaakkamik

2012-mi Kalaallit Nunaanni avaleraasartuunik misileraalluni aalisarneq aallartippoq. An-nikitsuinnarmik pisaqarfiuvoq 2013-ili pisaqartoqarluarpoq. Tamatuma kinguneranik 2014-ip aasaani Tunup imartaani avaleraasaqortuunik misileraalluni aalisarneq iluamik aallartisarneqalerpoq.

Avaleraasartuunik aalisarneq akitsuusersorneqalermat aalajangiunneqarpoq 2015-imi avaleraasartuunik aalisarneq aningaasarsiutigalugu ingerlanneqalissasoq – piumasaqaa-taassallunili tamanna pissasoq Aalisarnermut inatsisip misileraalluni aalisarneq pillugu aalajangersagaani § 24 malillugu.

Misileraalluni aalisarnertut pillugu oqaatigisariaqarpoq ukiut siuliini aalisarneq pingaarut-tilimmik misilittakkatigut pissarsiaqarfiusimangimmat. Tamanna pissutigalugu najoqqu-tassat nutaat assigisaalu sanarfineqartussanngorput.

Tamanna tunuliaqutaralugu 2015-imi avaleraasartuunik aalisarnermi pisassiissutissanik tunniussinissap tungaanut aaqqissuussisoqarpoq – aaqqissuussinerlu Naalakkersuisut ulloq 15.05.2015-imi aalajangersaanerisigut naammassineqarpoq.

Avaleraasartuunik aalisarnermik najoqqutassiorluni sulineq aallartippoq 2014-imi misileraalluni aalisarneq 03.12.2014-imi ataatsimiinnermi nalilersorneqareersorlu. Ataatsimeeqataapput 2014-imi aalisarnermi peqataasimasut – ataatsimiinnerullu siunertaraa misileraalluni aalisarnermi angusanik naliliinissaq siunissamilu periarfissanik eqqartueqatigiinnissaq.

2015-imi januaarimi avaleraasartuunik 2015-imi pisassiinissaq – KNAPK-mit qinnuteqaat malillugu – aalisarnermik siunnersuisoqatigiit ataatsimiinneranni oqaluuserisas-sanngortinneqartut ilagaat.

KNAPK tassunga atatillugu erseqqissaavoq pingaartuusoq qulakkiissallugu najukkami aalisarnerup siunissami pisassanik agguassinermi eqqarsaatigineqartarnissaa.

Ulloq 22.01.2015 kattuffiit avaleraasartooriarluni aalisarneq pillugu ataatsimeeqatigineqarput, tassaasut GE, KNAPK, SIK aamma NUSUKA. Ataatsimiinnerup siunertaraa kattuffiit qanoq ilassutissaqarnerannik tusarniaanissaq, 2015-imi avaleraasartuunik pisassiinissamut atatillugu. Kattuffinnit pimoorullugu soqutigineqarpoq pisassanik agguassinermi najukkani aalisartut iluaquserniarneqarnissaat.

Naalakkersuisut ulloq 13.02.2015 avaleraasartuunik aalisarnermi 2015-imi pisassiissutisat – TAC - (Total Allowable Catch/Pisassiissutit qummut killiffissaat) aalajangiuppaat.

Ulloq 09.03.2015 saqqummiussassaq pillugu Aningaasaqarnermut Naalakkersuisoqarfik ataatsimeeqatigineqarpoq ullorlu 13.03.2015 agguaassinissamut najoqqutassanut saqqummiussassamut tusarniaaneq Naalakkersuisut Siulittaasoqarfiannut nassiunneqarpoq, tamatumalu kingorna Naalakkersuisut agguaassinissamut najoqqutassaviannik suli-neq ingerlanneqalerluni.

APNN-mi suliffeqarfiup iluani saqqummiussassamik suliaqarnerup ilusissaa assut soqutigineqarpoq, saqqummiussassarlu suliffeqarfiup iluani arlaleriarluni eqqartueqatigiin-nernik pilersitsivoq. Naalakkersuisoqarfiup paasissutissiinera malillugu – arlaleriarluni misigineqarpoq – inuussutissarsiornermik ingerlatsisut sunniiniarlutik sukumiisumik suli-nerat.

Januaarip qaammataanili – suli agguaassinissamut najoqqutassat ilisimaneqalinngitsulli – Naalakkersuisoqarfik qinnuteqaatinik selskabillu aalisarnermik ingerlatsisut allakkiaannik tigusaqartalerpoq, suliap ingerlarnganik sunniiniartunik.

Naalakkersuisut ulloq 07.04.2015 ataatsimiinnerminni agguaassinissamut najoqqutassat aalajangiuppaat. Ataatsimiinnermi aalajangiunneqarpoq Tunumi aalisarnek misileraalluni aalisarnertut ingerlatiinnarneqassasoq, naak 2015-imili aalisarnek nalinginnaasumik aali-sarnertut ingerlanneqareersimagaluatoq. Aammattaaq aalajangiunneqarpoq angallatit kalaallinit pigineqartut tamarmik aalisarfiusinnaasup nalaani aalisakkanik ikerinnarsiortu-nik aalisarnissamut periarfissinneqassasut – najoqqutassallu allat arlaqartut aalajangiun-neqarlutittaaq.

Ataatsimiinnerup kingunitsiannua piffissami pineqartumi allakkatigut qinnuteqarsi-masunut aalajangersaaneq tamanut toqqaannartumik nalunaarutigineqarpoq taamalu Naalakkersuisoqarfiup nittartagaatigut aamma pisortatigoortumik najoqqutassat nalu-naarutigineqarlutik taamatullu tusagassiuutitigut nalunaaruteqarnikkut.

Aalisagartassinneqarnissamik qinnuteqarnissamut killigititaqqaartoq ulloq 22.04.15-imi naammat killiliussaq – saaffiginnittut amerlanerat pissutigalugu - 06.05.15-imut sivit-sorneqarpoq. Ullormi tassani tusagassiuutitigut nalunaarutigineqarpoq qinnuteqarnissa-mut killigititaasoq sivitsorneqartoq.

Killigititaasumik sivitsuineq pisassinneqarnissaminnik qinnuteqarsimasut ilaasa aarleris-sutigilerpaat, avaleraasartooriarnissaq qanillimmat. Avaleraasartooriarsinnaaffiusoq si-vikitsoralarsuuvoq ukiumillu ukiumut allanngorarsinnaasarluni, avaleraasartuut tikiuttar-nerat angissusaallu ilaatigut immap kissassusaata assigisaasalu aalajangersartarmagu. Taamatut aarlerissuteqarneq Naalakkersuisoqarfimmut saaffiginninnerit amerlassusaa-sigut tusagassiuutitigullu sammineqarneratigut malunniuppoq.

Piiffissami pineqartumi Naalakkersuisunit aalajangersarneqareersimammat qinnuteqartut tamarmik kalaallinit pigineqarunik pisassinneqarsinnaasut, qinnuteqartut akornanni pingaernerutillugit salliutinneqartut 05.05.2015-imiit atuutilersumik aalisarsinnaalersin-neqarput.

Qinnuteqarnissamut killigitaasoq 06.05.2015-imi naammat qinnuteqaatit katillugit 49-t pissarsiarineqarsimapput taakkulu tamakkerlutik avaleraasartuunit pisassiissutissat 400.000 tonsit sinnerlugit annertussuseqarput. Qinnuteqartunik sullissineq tamatuma kingorna piaartumik aallartinneqarpoq.

Qinnuteqarnissamut killigitaasoq naammat erseqqissivoq Aalisarnermut, Piniarnermut Nunalerinermullu Naalakkersuisoq selskabimut KNT ApS-imut tunngatillugu akuliusimasooq, Naalakkersuisup piginneqataasimanera pissutigalugu – aammami siulersuisuni ilaasortaasimammat – Naalakkersuisuni ilaasortatut toqqarneqarnissani tikillugu.

Naalakkersuisuni ilaasortatut toqqagaagami siulersuisunit tunuarpoq. 23.02.2015-imi Naalakkersuisup piginneqatigiissutigisanilu ilaqtatut qanigisaminut ingerlateqqillugit.

Piffissami 06.05.2015-imiit 13.05.2015-imut assuarnartut inissisimaneq Naalakkersuisoqarfimmi pisortap inatsisilerinermullu pisortap akornanni oqaluuserineqarpoq, Siulittaasup naalakkersuisoqarfiani. Assuarnassuseqarneq ataatsimoorussamik immikkoortumik allaaserineqarpoq, saqqummiussami Naalakkersuisunit akuerineqartussami ilanngunneqartumik.

Taamaalliluni ulloq 08.05.2015-imi sullissinissamut akisussaaffik Aalisarnermut, Piniarnermut Nunalerinermullu Naalakkersuisup Naalakkersuisut siulittaasuannut tunniuppa.

Ulloq 13.05.2015-imi pisassiissutissanik agguaassineq pillugu saqqummiussaq piareerpoq. Ulloq 14.05.2015-imi Naalakkersuisunut saqqummiussassaq piareermat Aalisarnermut, Piniarnermut Nunalerinermullu naalakkersuisoq akuliusimasuunermik nalunaarutegarpoq.

Naalakkersuisoqarfiup pisassanik agguaassinissamut inassutaa – annikitsuinnarnik allannguuteqartillugu - Naalakkersuisunit akuerineqarpoq 15.05.2015-imi. Pisassiissutissanik agguaassinissaq 21.05.2015-imi pisortatigoortumik nalunaarutigineqarpoq.

Tamatuma kingorna qinnuteqartunut akuersissutit itigartitsissutillu nassiuusuunneqarput.

Sivitsunngitsoq kattuffiit NUSUKA aamma KNAPK naammagittaalliutinik arlalinnik nas-sitsipput taamatullu qinnuteqarsimallutik itigartitaasut – taamalu assuarlerluni oqallinneq tusagassiuutitigut ingerlanneqalerpoq.

Ulloq 06.05.2015 avaleraasartoorniarluni aalisarnermut tunngatillugu suliami akuusunut paasissutissiinerusumik ataatsimiisitsisoqarpoq.

Juunip aallartinnerani aalajangiunneqarpoq Deloitte qinnuigineqassasoq ingerlatsinermik kukkuneruilluni misissuissasoq, 2015-imi avaleraasartuunik pisassiinermi agguaassinermut atatillugu suliamik misissuisinneqassalluni.



# 5. Pisassanik agguaassineq

Tunami avaleraasartuunik aalisarnissami pisassiissutaasussat katillugit 85.000 tonsiunissaat aalajangersarneqarsimavoq.

Agguaassinissamut najoqqutassat arlaqartut APNN-mit suliarineqarsimapput tamatumalu kingorna Naalackersuisunit akuerineqarsimallutik.

Pisassiissutissat pingaernerutillugit salliutitanut salliutitallu tulliinut tunniunneqartussanngorlugit avinneqarput.

Pingaernerutillugit salliutitat – tassani pineqarput selskabit Kalaallit Nunaanni nalunaarsorneqarsimasut namminerlu angallataatillit – taakkunungalu pisassiissutissatut aalajangersarneqarsimapput 55.000 tonsit. Taakkunanngali 20.000 tonsit angallatinit attartukkani aalisarneqarsinnaapput.

Salliutitat tulliini – pineqarput angallatit attartukkat Kalaallit Nunaanni nalunaarsorneqarsimasut (NEAFC-mi imaluunniit nunani NAFO-mi ilaasortaasuneersut imaluunniit NEAFC-mut attuumassutilittut akuerineqarsimasuneersut) – taakkununga pisassiisutigineqartut katillutik 30.000 tonsiupput. Najoqqutassat ilagaat selskabit najukkamut qilersorsimasuulluarnissaat aamma/imaluunniit kalaallinik angallatini inuttaasunik ilinniarfitsimasutut uppersaateqarnissaat.

Aammattaaq takussutissaqarpoq angallatit attartukkat avaleraasartooriarnissaminut akuersissummik pillit kitaani misileraallutik avaleraasartooriassasut imaluunniit saarlernanik misileraallutik aalisassasut, minnerpaamik ulluni aalisarfiusuni arfineq-pingasuni tamannalu pissalluni pisassiissutissatut tunniunneqarsimasut 50 procentii aalisarneqarsimatinnagit.

## 5.1. Aqutsinermi tunngavissanik naammattunik erseqqissunillu pilersitsisimaneq

### Suliap nassuiaatitaani imm. siulleq:

Kalaallit Nunaanni avaleraasartooriarluni aalisakkanillu ikerinnarsiortunik allanik aalisarnermi aqutsinermi tunngavissat naammattumik erseqqissunillu malittarisassiunneqarsimapput.

Aqutsinermi aalajangersakkat politikikkut aalajangersarneqarsimasut allaganngorlugit malittarisassiunneqarsimapput Naalackersuisoqarfillu immikkoortumi tassani allaffissornik-

kut sullissinermik isumaginnittussaavoq. Allatut oqaatigalugu aqutsinermi tunngavissat tassaapput Naalackersuisoqarfimmut politikkerit naalakkiutaat, suliap aalajangersimasup qanoq aaqqiiffiginiarneqarnissaanik kissaataasut malillugit.

Aqutsinermi tunngavissaq eqqorluartumik ilusilersorneqarsimappat (kinaassuser-siortuunngitsumik) Naalackersuisoqarfimmut aalajangigassanngortitsineq annikitsuinna-sussaavoq.

Aallarniutitut oqaatigineqassaaq Kalaallit Nunaanni aalisarnej pillugu aalajangersakka-t Inatsisartut inatsisaanni nr. 18-imi, 31. oktober 1996-imeersumi aalajan-gersarneqarsimammata, kingusinnerusukkut allannguutit ilanngullugit (Aalisarnermut inatsimmik nalinginnaasumik taagorneqartumi).

Inatsimmi peqqussutaavoq Naalackersuisut ataasiakkaatigut inatsimmi aalajangersakka-nik immikkut akuersissuteqarsinnaasut, inatsimmilu immikkoortuni allani allaqqavoq Naalackersuisut pissutsini aalajangersimasuni immikkut pisinnaatitsinnaasut.

Aqutsinermi tunngavissani matumani pineqarpoq saqqummiussaq, tassani anguniakkat, salliutitat piumasaqaatillu 2015-imi avaleraasartooriarnermi aalisakkanillu ikerinnarsior-tunik allanik aalisarnermi pisassanik agguassinermi najoqqutarineqartussa.

Saqqummiussaq Naalackersuisoqarfiup martsimi suliaraa.

Saqqummiussassaq suliarineqarpoq ilaatigut 2014-imi siusinnerusukkullu misileraalluni aalisarnermit misilittakkat tunuliaqataralugit.

Saqqummiussassap aallarniutitut imarai Kalaallit Nunaanni aalisakkanik ikerinnarsior-tunik aalisarnerup ineriartortinneqarnerani pingaarnerusutigut anguniakkat:

- Kalaallit umiarsuarni naalakkat inuttallu akornanni piginnaanngorsaanissaq
- Kalaallit Nunaata imartaani aalisakkanik ikerinnarsior-tunik aalisarnermi ilisimasanik katersinissaq
- Angallatit kalaallinit pigineqartut atorlugit aalisarnerup sapinngisamik inuiaqatigiinnit iluaqutiginarneqarnissaa kiisalu
- Inuiaqatigiinni immikkoortut sapinngisamik amerlanerusut aalisarnermit iluaquser-neqassasut, tassunga ilanngullugit sinerissamut qanittumi taamatullu aalisarnerup si-nerissamut siammartinneqarnissaa.

Taakkua saniatigut saqqummiussap imarai pisassiissutissat annertussusissai, Naalak-kersuisut 13.05.2015-imi ataatsimiinnerminni aalajangiinerat tunngavigalugu.

Saqqummiussami ilanngunneqarsimapputtaaq pisassiissutit tamakkiisut agguanneqar-nissaannut pingaarnerusutigut tunngavissatut allassimasut:

1. Pingaarnertut salliutitaq – selskabinut Kalaallit Nunaanneersunik angallataatilinnut – 55.000 tonsit

2. Salliutat tulliatut – selskabit najukkamut qilersorsimalluartut – 30.000 tonsit

### **Ad 1) Pingaarnertut salliuaitaq – selskabit kalaallinit pigineqartunik angallataatillit**

Saqqummiussami takuneqarsinnaavoq aalisarnerup ilaa pingaarutilik ingerlanneqasasoo angallatit Kalaallit Nunaanneersut atorlugit (35.000 tonsit). Taakkua saniatigut – ikaarsaariarnermi - pingaarnertutaallutik salliuaitineqartut pisassat ilaat angallatit attartukat atorlugit aalisarsinnaagaat (20.000 tonsinut aalajangersarneqarsimallutik).

### **Ad 2) Salliuaitineqartut tullii – selskabit najukkami ilersorsimassuseqarluartut**

Selskabit najukkamut attavigissaartut imatut ilisarnaaserneqarsimapput:

- Piginnittuisa akornanni **pigineqataassutsip ilaa pingaarutilik**<sup>1</sup> sinerissamut qanittumi aalisarnermik ingerlataqartuussaaq
- 2014-imi inuttanik nunaqavissunik ilinniartitsineramik sungiusaanermillu ingerlatsimassapput

Ilinniartitsinermit sungiusaanermullu tunngatillugu minnerpaaffiliisoqarsimangilaq – ”inuttat” qasseersiutaavoq taamaattumillu ilimagisariaqarpoq inuttat ataatsimik amerlanerusut matumani pineqartut.

Selskabit minnerpaamik najoqqutassanik makkuninnga takutitsissapput:

- Selskabi CVR-mik nalunaarsorneqarsimasussaavoq Aalisarnermillu Inatsit malillugu pigittuunermit aalajangersakkanik naammassinnissimassalluni. Selskabi pilersinniarnearpat taamaaliornermit uppersaatit nassitsisoqassaaq – imaappoq minnerpaamik pilersitsiniarluni ataatsimeersuartitsineq pisimasussaavoq, akuersissummik tunineqannginnermi.
- Selskabi Aalisarnermit inatsimmi § 6 naapertorlugu ”**suliffeqarfittut iluanaarniarfittut**”<sup>2</sup> ingerlasuussanngilaq.

---

<sup>1</sup> Oqariartaaseq ”**pigineqataassutsip ilaa pingaarutilik**” qanoq paasisariaqarnersoq sukumiierusumik nassuiarneqarsimangilaq.

<sup>2</sup> Oqariartaaseq ”**suliffeqarfittut iluanaarniarfittut**” taasaq Aalisarnermit inatsimmi § 6-imiinngilaq. Pisumi allami Aalisarnermit, Piniarnermit Nunalerinermullu Naalakkersuisup tamatuma apequtiginerani allaganngorlugu 23.06.2008-mi akissutaani takuneqarsinnaavoq selskabi nunaqavissutit angerlarsimaffilik tassaaitineqartoq selskabimi aningaasaliissutit 2/3-iisa piginnittuisa aalisarnermit inatsimmi sumi najugaqartuunissamik piumasaqaatigaa inuiqatigiit kalaallit akornanniituumissaq. Allat immikkualuttut tassaapput assersuutigalugu selskabit nunani allani aningaaservinni taarsigassarsimasut peqataasinnaatitaannginneri. Tamanna imatut aamma paasisariaqarsorinarpoq niueqatigiinnissamik isumaqatigiissutinut, aningaasaliissuteqarnissamillu isumaqatigiissutinut assigisaanullu tunngasuussasoo, selskabit nunaqavissut selskabillu nunaqavissuunngitsut akornanni. Tassani aamma pineqarput selskabit taamaallaat pisassiissutinik nunat allamiut angallataannut akiliitsillutik atugassiisartut, tassalu taakku oqariartaatsimi ”Suliffeqarfittut iluanaarniarfittut” taakkaruineri pineqartut, piginnittui Aalisarnermit inatsit malillugu piumasaqaatinik nammassinnissimappata.

- Avaleraasartuunut akitsuummik akiliinissamut sillimmasiisimanis-saq/aningaaserivikkoortumik sillimmasiisimanis-saq piumasaqaataavoq, taannalu ullormik atorunnaartitsiffissamik ilaqartinneqartussaangilaq imaluunniit minnerpaamik 2016-imi kvartali siulleg ilanngullugu atuuttussaassalluni.
- Angallatit attartukkat nunani NEAFC-mut imaluunniit NAFO-mut ilaasortaneersuussapput imaluunniit NEAFC-mit akuerisatut nalunaarsorneqarsimasussaallutik, Cooperating Non-Contracting Party-tut, (Isumaqatigiissummik tunngaveqarani suleqatigisatut).
- Angallatinut attartukkanut tunngatillugu attartornermut isumaqatigiissutit uuttuutaasalu allagartaat naalagaaffittullu angerlarsimaffimmut uppernarsaataasa assilineri nas-siunneqassapput.

Selskabinut taakkununga pisassiissutit agguanneqartussat 30.000 tonsinut aalajangersarneqarsimapput.

Aammattaaq piumasaqaataavoq

”Angallatit nunanit allaneersut Tunumi avaleraasartooriarnissamut akuersissummik pigisaqartut ataani aalajangersakkat akornanni minnerpaamik ataasiarlutik misiliisimasasut, tamannalu pissasoq pisassiissutit 50 %-ii aalisarneqarsimatinnagit. Misileraalluni aalisarneq pisimangippat taamaaliunnginnissamut akuersissummik pissarsimangippat, Naalakkersuisoqarfiup pisassiissutissat arsaarinnissutigisinnaavai.

- Ullut avaleraasartooriarfinnik ataannartumik aalisarfiusut sumiiffimmi avaleraasartooriarfittut nalinginnaasumik ilisimaneqartumi (takuuk ilanngus-saq 1).
- Ullut ”saarullernarniarfiusut” ataannartut arfineq-pingasut”

Saqqummiussami erserpoq selskabimik aalisakkanut ikerinnarsiortunut suliffissuarmik Tasiilami pilersitsorusuttunut pisasseerusuttoqartoq, suliap ingerlarnganik qinnuteqaatillu tamakkiisup naliliiffiqeqarneranik takusaqartoqareerpat.

Aammattaaq saqqummiussami takuneqarsinnaavoq:

*”selskabinut ataasiakkaanut angallatinulluunniit pisassanik agguassineq pissaaq qinnuteqaatip suliarineqarnera tunuliaqutaralugu aamma najoqqutassat qulaani taakkartorneqartut naammassineqarsimaneriniq naliliineq tunngavigalugu.”*

Saqqummiussaq Naalakkersuisut 07.04.2015-imi ataatsimiinneranni akuerineqarpoq.

2015-imi avaleraasartuunik pisassiinissamut aqutsinermi tunngavissat ilaatigut Naalakkersuisoqarfimmit sukumiinerusumik immersorneqartariaqarput.

Sullissinerup ingerlarngata takutippaa aqutsinermi tunngavissat ilaanni agguassinissamut najoqqutassat tikkuussat malillugit naammattumik, matussusiisumik erseqqissumillu suliaqarneq amigaaqarsimasoq. Taamaattumik Naalakkersuisoqarfiup - sullissinerminut atatillugu - agguassinissamut tunngavissat taakkulu qanoq paasineqartariaqarneri

**20 Forvaltningsrevisionsundersøgelse** 2015-imi avaleraasartuunik pisassiissutit

ilassuserlugit itisiliissutigisimavai, agguaassinissamik najoqqutassanik ingerlatsinissaq pi-  
uminarsarlugu.

## **5.2. Agguaassinermi najoqqutassat atorsin- nassusilimmik, eqqorluartumik kinaassu- sersiunngitsumillu nassuiarneqarsima- nissaat**

### **Suliap nassuiaataani imm. aappaat:**

Agguaassinermi najoqqutassat atorsinnaassusilimmik, eqqorluartumik kinaassusersiunn-  
gitsumillu nassuiarneqarsimapput – tassunga ilanngullugit erseqqissumik nas-  
suiarneqarsimallutik pisassiissutissat qinnuteqartunut akuerineqartunut qanoq agguaas-  
sisoqassanersoq.

Siuliani eqqaaneqartutut aqutsinermi tunngavissat immikkoortuisa ilaat sinaakkuser-  
sorneqarsimapput Naalakkersuisoqarfimmit sukumiinerusumik sularineqartussatut.

Suliassaqrarfiup pineqartup iluani qanoq najoqqutassaqrarluni sullissisoqassanersoq poli-  
tikkikkut aalajangersarneqartussaavoq – najoqqutassallu taakku soqutiginnittutut isu-  
maqatigineqarsinnaapput isumaqatiginnginneqarsinnaallutilluunniit.

Misilittakkagulli naapertussagaanni pingaartuuvoq sullissinerup eqqortumik ingerlanis-  
saanik pingaartitsinissaq "maleruagassat" – matumani agguaassinissamat tunngavissat –  
atorsinnaassusilimmik, eqqorluartumik kinaassusersiunngitsumillu nassuiarneqarsimas-  
sallutik (peqataasunullu paasissutissiissutigineqarsimassallutik) ilisimaneqareernissaat  
siunniullugu.

### **5.2.1. Pingaernerutitanik salliutitsinermi pisassanik ag- guaassinissamat najoqqutassat**

Aqutsinermi tunngavissat Naalakkersuisunit saqqummiunneqareernerminni akueri-  
neqarsimasuni avaleraasartuunik aalisakkanillu ikerinnarsiortunik pisassanik 2015-imi  
agguaassinissamat najoqqutassani piumasaqaatinilu 11.03.2015-imi aalajangersakkat  
najoqqutassanik imaattunik imaqarput:

- "Selskabinut kalaallinit pigineqartunut agguaanneqassapput"

Najoqqutassanik allanik ilanngussisoqarsimanngilaq – tassunga ilanngullugit qin-  
nuteqartut pitsaassutsimikkut naligiippata taakkua akornanni qanoq agguaassisoqassa-  
nersoq pisassiissutissallu ataatsimut katinneri qaangerlugit qinnuteqaatit pitsaassutsimik-  
kut akuerineqarsinnaasut sinnersimappatigit.

Saqqummiussamili takuneqarsinnaangilaq "selskabinut ataasiakkaanut/angallatinut agguaassineq pissaaq qinnuteqaat tunngavigerpiarlugu kiisalu angallatip pisinnaassusaanik naliliineq tunuliaqutaralugu".

Pisassiissutissatut aalajangersarneqarsimasut sinnerlugit qinnuteqartoqartut katillutik amerlassuseqarmata pisassiissutissat qanoq agguaanneqarnissaannik aalajangernissaq pisariaqartinneqalerpoq.

Tamanna suliamik ingerlatsinermi siusinnerusukkulli aalajangersarneqarsinnaasimagalu-arpoq qinnuteqartussarsiunnginnermilu soqutigisaqatigiinnut paasissutissiissutigineqarluni.

Pingaernerutillugit salliutitanut agguaassinissamut tunngaviusut annertunersaatigut ator-sinnaassuseqartutut, eqqorluartutut kinaassusersiortuunngitsutullu najoqqutassi-orneqarsimapput, qinnuteqartut akornanni qinnuteqarnissap qanoq ingerlanissaa sioq-qutsisumik pisassanik agguaassilinnginnermi pisinnaasimagaluarmat.

## 5.2.2. Salliutitat tulliini pisassiissutissanut najoqqutassat

Salliutitat tulliini pisassiissutissat ataani allassimasutut ilusilersugaapput:

*"Selskabit piginnittoqarnermikkut malunniutilimmik sinerissamut qanittumi aalisarsinnaanermik akuersissutinik pigisaqartut"*

Aamma/imaluunniit

*"Selskabit uppernarsaasinnaasut inuttanik kalaallinik aalisakkanik ikerinnarsiortunik aalisarnermik sungiusaasinnaasut"*

Taakkua saniatigut salliutitat tulliini selskabinut makkua uppernarsaqquneqarput:

*"- Selskabi CVR-mik nalunaarsorneqarsimasuussaaq Aalisarnermullu inatsit malillugu piginnittuunissamik aalajangersakkamik naammassinnittussaataalluni. Selskabit piler-sinneqalersut tamatuminna uppernarsaasinnaagunik ilaatinneqarsinnaapput, makkuninnga naammassinnikkunik:*

*- Selskabi "suliffeqarfiussanngilaq iluanaarniartoq" Aalisarnermut inatsimmi § 6 naapertorlugu*

*- Avaleraasartuunut akitsuummik akiliinissamut sillimmasersimanis-saaq/aningaaserivikkoortumik sillimmasersimanisaaq piunasaqaataavoq. Sillimmasersimaneq minnerpaamik 2016-imi kvartali siullemq ilanngullugu atuuttussaatinneqassaaq.*

*- Angallatit attartukkat nunani NEAFC-mut ilaasortaasuni imaluunniit NAFO-mut ilaasortaasuni najugaqavissuussapput imaluunniit nunani NEAFC-mit akuerineqarsimasuninngaaneersuussallutik, Cooperating Non-Contracting Party-tut.*

- *Angallatinut attartukkanut tunngatillugu attartornermut isumaqatigiissutit uuttuutaasalu allagartaat naalagaaffittullu angerlarsimaffimmut uppersaataasa assilineri nas-siunneqassapput.*

Qinnuteqartunut salliutitat tulliiniittunut pisassiissutininik agguassinnissinermi tunineqarnisamut najoqqutassat pingaarutillit marluk atuupput – taakkualu saniatigut selskabit uppersaataatit piumasaqaatinik arlaqartunik naammassinnittussaataapput, pisassanik agguassinermi tunineqassagunik.

Pingaarnerusutigut najoqqutassat aalajangersakkat arlalinnik isumasioqarsinnaapput.

Najoqqutassani erseqqissumik oqaatigineqarsimanngilaq "annertusisamik annertussilimmik" imaluunniit "pingaarutilimmik annertussusilimmik" allassimasut inunnut sinerissami qanittumi aalisarsinnaanermik akuersissummik attuuttumik pigisalinnut tunngatillugu qanorpiaq paasisariaqarnersut.

Aamma ersinngilaq – minnerpaamik – qanoq amerlatigisut piginnittut najukkamut atasuteqarluartut taaneqarsinnaanersut – taamatullu piginneqatigiissutaasut piginnittut akornanni qanorpiaq agguataarsimasussaansut.

Kalaallinik inuttanik ilinniartitsisussaataaernermit tunngatillugu najoqqutassani allasimanngilaq inuttat qanoq amerlatigisut pineqarnersut – imaluunniit piumasaqaammi uppersarneqartussami qanoq iliortoqassanersoq.

Naalackersuisoqarfimmi apersuinermit erseqqinnerulerpoq sullissinermi najoqqutassat qanoq naammassiniarneqarnersut.

Assersuutigalugu angallatip qanoq pisinnaassuseqarnera takuniarneqartussaavoq tasungalu ilanngullugu najukkamut qanorpiaq atassuteqartigineq. Naalackersuisoqarfimmit oqaatigineqartut malillugit tamakku siusinnerusukkat nassuiarneqarsinnaasimanngillat.

Aammattaaq aalajangersarneqarpoq inuttat kalaallit tassaassasut Aalisarnermut inatsimmi § 6, imm. 3 naapertorlugu nunaqavissut inissisimasut.

Salliutitat tulliini qinnuteqartunut tunngatillugu Naalackersuisut aalajangerpaat agguassinissaq makitsinikkut pissasoq, pisassinneqarnissamik qinnuteqartut piumasaqaatinik naammassinnissimasut pisassiissutissat sinnerlugit amerlassuseqarpata. Taamatulli periseqarnissamik najoqqutassat nassuiaatillu atorneqanngitsoorput, naak taakku sullissinermi Naalackersuisoqarfimmit aalajangersarneqarsimagaluarlutik.

Salliutitat tulliini qinnuteqartunut tunngatillugu naalackersuisoqarfiup aalajangerpaa, paassutissiissutaasut malillugit, qinnuteqartut piumasaqaatinik naammassinnittut akornanni agguassassat naligiimmik tunniunneqassasut.

Agguassassanut najoqqutassat qanoq paasineqarsinnaanerannut tunngasut arlalitsigut qularnartortaqarput, qinnuteqaqqusinnginnermi qinnuteqartussanut nalunaarutigineqareersussaagaluartunik.

Taamatorluinnaq ipput najoqqutassat pisassanik agguaassinermut tunngavigini-  
arneqartut qinnuteqartussanullu nalunaarutigineqarsimanngitsut.

Naalackersuisoqarfimmi apersuinermi erserpoq pissutsini tamani erseqqissuliorniarnissaq  
ajornakusoorsimasoq, taakku atorsinnaassusilimmik, eqqorluartumik kinaassusersiunn-  
gitsumillu atuunnissaat eqqarsaatigalugit. Isumaasimanngikkaluarpoq siusinnerusukkulli  
qinnuteqartussanut aalajangersimasumik amerlassusilikkanik pisassiinissaq imaluunniit  
qanoq atsigisumik pissarsisinneqarnissaq.

Uppernarsaatissatut piumasarineqartunut avammut tusarliunneqartunut naleqqiukkaanni  
naliliinerput naapertorlugu taakkua ilusilersorneqarsimanerat erseqqinnerujussuuvoq  
taamaattumillu selskabit isaannit isigalugu piumasaqaatit kinaassusersiortuunngitsut iju-  
minarnerullutik.

Salliutitat aappaanni agguaassinissamut najoqqutassat ilaatiguinnaq atorsinnaassusilim-  
mik, eqqorluartumik kinaassusersiunngitsumillu aalajangersarneqarsimapput taamaat-  
tumillu Naalackersuisoqarfiup annertunerusumik – sullissinerminut atatillugu - agguaassi-  
nissamut najoqqutassat itisilerlugit ilasimavaat qanorlu paasineqarnissaannik nassuiaa-  
teqarsimallutik.

Illassutitut najoqqutassat taakkunungalu nassuiaatit qinnuteqartitsinermi siusinnerusuk-  
kut aalajangersarneqarlutillu avammut nalunaarutigineqarsimasinnaagaluarput.

### **5.3. Agguaassinissamut najoqqutassat naammattumik erseqqissulimmik qinnuteqar- tunut nalunaarutigineqarsimapput**

**Suliap nassuiaataani imm. pingajuat:**

Agguaassinissamut najoqqutassat naammattumik erseqqissulimmik qinneqartunut nalu-  
naarutigineqarsimanerat

Aalisakkat allat eqqarsaatigalugit ukiut ingerlaneranni ingerlatsinermi misilittagaqalersi-  
maneq anguneqarsimavoq - Naalackersuisoqarfimmit kiisalu peqataasut akornanni.

Nalinginnaasumik aalisagartassanik allarpassuarnik agguaassisarneq avaleraasartuunik  
sullissinermit naleqqiullugu taamatut pisariutigineq ajorpoq. Tassani aalisartitsineq qan-  
gali sungiunneqareersimavoq ukiumiillu ukiumut peqataasartut taakkuunerusarlutik. Tas-  
sani agguaassinissamut najoqqutassat pisassiissutaasussallu qanoq agguaanneqar-  
tarneri ilisimaneqarput.

Avaleraasartuunik aalisarneq – aalisakkanillu ikerinnarsiortunik aalisarneq tamakkiisumik  
isigalugu – Kalaallit Nunaanni nutaajuneruvoq.



Kalaallit Nunaanni avaleraasartooriartarnek suli nutaraamat agguaassinissamat najoqqutassat, uppersaatissatut piunasaqaatit qinnuteqarnissamullu killigititaasut soqutigisaqaqatigiinnit suli ilisimaneqanngillat (akuersaarneqarsimanatillu).

Tamatuma kingunerisaanik najoqqutassatigut pisortatigoortumik saqqummiinissaq avaleraasartooriarnissamilu ukiumut pisassiinernut killigititaasut pisortatigoortumik nalunaarutigineqarnissaat pisariaqartinneqarneruvoq.

Ukiup ingerlanerani amerlasuut Naalackersuisoqarfimmut saaffiginnissimapput avaleraasartooriarnermi pisassanut tunngatillugu. Peqataasut pisassinneqarnissartik sukumiisumik anguniarsimavaat, tamatuma ersiutigimmagu najoqqutassat suliluunniit saqqummiunneqanngitsut qinnuteqaatit takkussuutilersimanagerat.

Qinnuteqartut taakku tamarmik toqqaannartumik Naalackersuisoqarfimmit attavigineqarput, qinnuteqarnissap qanoq ingerlanissaa, agguaassinissamat najoqqutassat assigisaalu inaarutaasumik aalajangiunneqarmata.

Aamma najoqqutassat Naalackersuisoqarfiup nittartagaatigut tamanut saqqummiunneqarput, Naalackersuisut aalajangernerisa aqaguanili.

Aamma tusagassiuutitigut nalunaaruteqartoqarpoq, tusagassiuutinut kiisalu aalisarnermik ingerlatsisut kattuffiitut nassiunneqartumik, tassunga ilanngullugit KNAPK aamma NUSUKA.

Naalackersuisoqarfimmit anguniarneqarsimavoq sapinngisamik annertuumik qinnuteqarnissamat piunasaqaatit pisortatigoortumik saqqummiunneqarsimanissaat.

Ilimagisariaqarpoq soqutiginnillutik peqataasut tamarmik pisunut ataavartumik malinnaasimanissaat taamalu paasillugu qanoq suullu najoqqutaralugit qinnuteqartoqassanersoq – tusagassiuutitigut nalunaaruteqarnerup kingorna imaluunniit naalackersuisoqarfiup nittartagaatigut.

Taamatut siaruarterineq qinnuteqartunut naammattumik ingerlatinneqarsimanersoq matamani aalajangersaaffigineqarsinnaanngilaq. Naliliinerpulli naapertorlugu allaffissornermi sullissisut qinnuteqarnissami piunasaqaatinik pisortatigoortumik tamanut saqqummiunniissaminik suliniuteqarluarsimapput.

Naalackersuisoqarfimmi ukiuni aggersuni avaleraasartuunik pisassiinissamat atatillugu pitsanngorsaaqqinnissaq suliniutigineqalereerpoq. Maannangaaq kommunet tamaasa kajumissaareersimavaat avaleraasartooriarnissamat piukkunnartunik allattueqqullugit, taamaaliornikkut 2016-imi qinnuteqartitsisoqalerpat toqqaannartumik paassissutissanik nassiussuinissartik siunniullugu.

## 5.4. Qinnuteqaatip ilusissaanut pi- umasaqaatit naammattut kiisalu qinnuteqaati- ni uppersaati

### Suliap nassuiaataani imm. sisamaat:

Qinnuteqartitsinerup ingerlarngani piumasaqaatit naammattumik ilusilersuinissaq eqqarsaatigalugu paasissutissanillu uppersaatinik nassitsinissaq pingaartillugu paasissutissiis-  
soqarsimavoq.

2014-imi avaleraasartoornerup naliliiffigineqarneranut atatillugu misileraalluni aalisar-  
nissamut qinnuteqaatinut immersugassamik suliqartoqarpoq. Naalakkersuisoqarfiup  
qinnuteqartunut tamanut piumasaraa 2015-imi avaleraasartoornermi pisassanik qin-  
nuteqarnermut atatillugu qinnuteqaammut immersugassat atorneqassasut.

Tamatuma saniatigut qinnuteqartut tamarmik salliutitat tulliineersut uppersaatinik  
ilanngussillutik nassitsinissaat piumasaqaataavoq.

Qinnuteqaatip ilusilersorneqarneranut tunngatillugu qinnuteqarnermi immersugassaq na-  
linginnaasorujussuarmik ilusilersorneqarsimavoq, immersugassallu ilai qinnuteqartup  
nammineq paasiniagassarisimavai.

Ilitsersuummillu kakkiussisoqarsimavoq taamalu qanoq immersuinissaq nas-  
suarneqarsimalluni.

Qinnuteqaatit pissarsiarineqartut kissaatigineqartutut ilusilersorneqarsimanissaat pitsaa-  
nerulersinniarlugu uppersaatiillu eqqortut ilanngunneqarsimanissaat anguniarlugu  
eqqarsaatigineqarsinnaavoq qinnuteqarnermi immersugassat annertusinneqarnissaat  
tassungalu atasumik ilitsersuusiortoqarluni.

Tassunga atatillugu erseqqissartariaqarparput qulequttat ataasiakkaat qanoq allassima-  
nissaat – paasissutissallu sorpiaat kakkiunneqarsimanissaat, pingaartuummat. Kinguller-  
tut taaneqartumut assersuutigalugu ikiuutaasinnaavoq qinnuteqaammi uppersaatiit  
ilanngussassat suunerinik allattuisimanissaq.

Qinnuteqaammi – imaluunniit ilitsersuummi kakkiunneqartumi – ilanngullugit paasissutis-  
siissutigineqarsinnaapput qinnuteqarnissamut killigititaasut kiisalu immersugassamut  
tunngatillugu Naalakkersuisoqarfimmut apeqqutissat assigisaaluunniit.

Qinnuteqartitsinerup ingerlarnga qinnuteqaatip ilusilersornissaanut piumasaqaatit upper-  
narsaatiillu ilanngussassat eqqarsaatigalugit pitsaanerusinnaavoq. Taamaaliornikkut  
Naalakkersuisoqarfik qinnuteqartullu ikiorserneqarnerusimassagaluarpud taamalu inger-  
latsineq pisariinnerullunilu pitsaaneroqqajaqaaq.

## 5.5. Agguaassinermi najoqqutassanik atuut-sitsineq

### Suliap nassuiaataani imm. tallimaat:

Qinnuteqaatit uppersaatinik naammattunik pilersorneqarsimapput taamalu allaffeqarfimmi naliliinissamut tunngavissanik pilersitsisinnaassuseqarlutik aamma/imaluunniit ilassutitut paasissutissanik piniarnissamut atugassanik paasissutissanik naammattunik pilersorneqarsimallutik.

Naalackersuisoqarfimmit ilisimatitsissutigineqarpoq qinnuteqaatit ilarpassui pitsaavallaarsimangitsut – piunasaqaatinillu ilaqartinneqarsimangitsut. Selskabit ataasiakkaat qinnuteqaat immersuillutik suliarisimangilaat atorsussanillu kakkiussisimanatik.

Pingaartumik salliutatit tulliini qinnuteqartut qinnuteqaataat amigaateqarsimapput – minnerunngitsumik uppersaatitit nassiteqquneqarsimasut eqqarsaatigalugit.

Qinnuteqaatit tiguneqartut tamarmik ataavartumik nalunaarsorneqarlutillu toqqorneqartarput. Qinnuteqaat qinnuteqarnissamut immersugassaq atorlugu suliarineqarsimangikkaangat – mailikkut immersugassamik nassitsisoqartarpoq, qinnuteqartut periarfissineqarlutik qinnuteqaamminnik eqqortumik immersuinissaminnut.

Qinnuteqaateqarnissamut killigititaasup tungaanut ataavartumik naliliiffigineqarsimangilat qinnuteqaatit tamarmik uppersaatinik kissaatigineqartunik ilaqarnersut. Isumannaarneqarsimappulli qinnuteqaatinik nalunarsuisimaneq toqqorterinerlu tamatumalu kingorna taakku qinnuteqarnissamut killigitaasoq tikillugu toqqortarineqarsimapput.

Qinnuteqarnissamut killigitaasoq aatsaat qaangiummat naliliiffigineqarpoq qinnuteqartut ataasiakkaat atortussanik naammattunik sullissinermi atorneqartussanik kakkiussisimnersut. Qinnuteqaatit amigaateqaarangata qinnuteqartut mailikkut eqqaasitsissummik nassinneqartarsimapput qinnuigineqarlutillu atortussanik kingusinnerpaamik aqaguani nassitseqqullugit.

Qinnuteqartut akornanni naammagittaalliutaangaatsiarsimavoq atortussanik amigaa-taasunik nassitsinissamut piffissarititaasup sivikippallaarnera.

Qinnuteqaatini attartornermut isumaqatigiissutit pingaartumik amigaa-taasimapput taak-kualu saniatigut sinerissamut qanittumi aalisarsinnaanermut uppersaammik atuuttumik pigisaqarnermut tunngasut.

Kingullertut taaneqartoq kisiat pinnagu kiisalu sinerissamut qanittumi atuuttumik aali-sarsinnaanermut uppersaatit, qinnuteqaatinut paasissutissanik allanik pissarsiniarneq aaqjissuunneqarpoq atortussat pigineqartut tunngavigalugit sullissineq aallartissin-naangorlugu.

## 5.6. Sullissinerup agguassinermi najoqqutassanik malinninnissaa

### Suliap nassuaataani imm. arferngat:

Pisassiissutissanik agguassineq pisimavoq najoqqutassatut aalajangersakkat kinaassu-sersioruunngitsut tunngavigalugit.

### 5.6.1. Pisassanik agguassinermi pingaernerutillugit sal-liutitat

Qinnuteqarnissamut killigititaasoq maajimi naamat selskabit nammineq angallataatillit arfineq-marluk pisassanik katillugit 56.000 tonsinik annertussuseqartunit pisassinneqarnissartik qinnutigisimavaat.

Selskabi alla aamma qinnuteqarpoq (Greenland Pelagic A/S), taannalu pingaernerutitanik salliutitsinermi pisassinneqarsinnaasutut piunasaqaatinik naammassinnippoq, selskabimit pilersaarutaamat Tasiilami namminerisamik suliffissualiornissaq.

Greenland Pelagic A/S-imik piginnittuupput 2/3-imik piginneqatigiissuteqarlutik selskabilu pingaernerutitanik salliutitsinermi annertuunik pisassinneqarnissaminnik qinnuteqartooreerpoq. Aggornerit pingajuannik piginnittuuvoq selskabi salliutitsinerit aappaanni pisassanik qinnuteqartoq.

Greenland Pelagic A/S pingaernerutitanik salliutitsinermi pisassinneqarsimavoq - piunasaqaataalluni aalisakkanik ikerinnarsiortunik tulaassuinermi suliffissualiornissamik pilersaarumminik ingerlatitsinnassasoq. Aammattaaq pingaartinneqarpoq selskabimi peqataasutut tunuliaqutaasut tassaammata selskabit aalisarnermik ingerlatsilluartooreersut, taamalu suliniutaannik ikorfartorlugit pisassikkusunneqartut pissutaavorlu aamma selskabip namminersortumit aningaasalersugaanera.

Taamaalilluni pingaernerutitanik salliutinneqartunut pisassiissutissatut qinnutigineqartut katillugit 103.000 tonsinut annertussuseqalerput – 56.000 tonsit nammineq angallatit atorlugit aalisarnissamut pisassiissutigineqarmata 47.000 tonsillu angallatit attartukkat atorlugit aalisarnissamut pisassiissutigineqarlutik. Taamaalilluni qinnutigineqartut annertussusaat pisassiissutigineqartussatut aalajangersakkamit annerulerpoq taamalu peqataasut akornanni pisassiissutissatut agguanneqartussanngorlutik.

Tamatuma kingorna Naalakkersuisoqarfiup ilanngullugu naliliiffigaa angallat aalisarfiusinnaasup iluani pisassatut qinnutigisaminik aalisarsinnaassuseqarnersoq. Naliliinerit taakku pipput angallatit pisinnaassusiannik ilisimasat tunngavigalugit kiisalu ukiut siuliini aalisarnermit misilittakkat tunngavigalugit.

Angallatit kalaallinit pigineqartut tamarmik qinnuteqaammillu nassitsisimasut tassaapput angallatit Naalackersuisoqarfimmit ilisimaneqarluareersut – taamalu ilisimaneqarportaaq angallatit qanoq pisinnaassuseqartiginersut.

Tamatuma kinguneranik Naalackersuisoqarfimmit naliliiffigineqarpoq pisassinneqarnisamik qinnuteqaatit arlaqartut angallatip qanoq pisinnaassuseqartiginera eqqarsaatigalugu qaffasippallaartumik pisinnaassusilerneqarsimani (pingaartumik qerititsiveqar-nikkut killissinnaasat eqqarsaatigalugit). Piffissap aalisarfiusup iluani misilittakkat qanorlu aalisarsinnaatigineq 2014-imi aalisarneqarsimasunit misilittakkat tunngavigalugit naliliiffigineqarput.

Tamatuma kingorna pisassiissutit – tamanna pillugu Naalackersuisunit aalajangiunneqartoq naapertorlugu – ingerlatsiner-mi missiungiut malillugu qinnuteqartunut pi-umasaqaatinik naammassinnittunut naligiimmik agguassisoqarpoq, angallatip ataatsip pissarsiaralugit 3.000 – 4.000 tonsit.

Pisassiissutit tamarmik pisassiissutaagallartutut tunniunneqarput. Taamaalilluni periarfissaalerpoq peqataasut akornanni pisassiissutigineqartut nunguppata peqataasullu allat pi-sassaminnik atuisinnaangippata taakkua pisassaannik atorluaasinnaanissaq.

Qanoq pisaqartiginerup assigisaasalu ataavartumik nalunaarutigineqartarnissaat pi-umasaqaataavoq, taamaaliornikkut ullormut pisanik nakkutilliineq ingerlanneqarsin-naaqqullugu taamalu pisariaqassappat pisassiissutininik atunngitsuukkanik agguassiseqqinnissaq siunniunneqarluni, pisassiissutaasut tamakkerlutik aalisarneqarniassamma-ta.

Naalackersuisoqarfik aallaaviatigut pingaarnerutillugit salliutitanut pisassanik agguassiner-mi najoqqutassat malillugit suliaqarsimavoq.

## **5.6.2. Salliutit tullini pisassiissutinik agguassineq**

Salliutit tullini katillugit qinnuteqaatit 41-t pissarsiarineqarsimapput, qinnuteqaatit katik-kaanni pisassiissutissanut 300.000 tonsinut tunngasut.

Salliutit tullini najoqqutassaapput piginnittuuneq sinerissami qanittumi aalisartutut na-jukkamullu atassuteqarluartut imaluunniit inuttanik kalaallinik ilinniartitsisussaataasut.

Taakkua saniatigut uppernarsaatit pi-umasaqaatit arlaqartut naammassisassaapput, pi-sassinneqassagaanni.

Aallarniutit qinnuteqaatit uppernarsaatillu taakkununga atasut ilannguteqquneqarsi-masullu nalunaarsorneqarlutik toqqortorneqaannartussaapput. Qinnuteqarfissamut killi-gititaasup qaangiunnerani qinnuteqaatit suliarineqarnerat aallartinneqarpoq.

Qinnuteqartut akornanni uppernarsaatinik naammattunik ilanngussisimanngitsut qinnuigi-neqarput taakkuninnga nassitseqqullugit – qinnuteqartunilu uppernarsaatinik nassitsin-gitsoortut qinnuteqaatinik piaarneqarput.

Uppernarsaatnik misissuinermi isumaqatigiissutit pissarsiarineqarsimasut aamma misissuiffigineqarput angallatillu takorneqartut aalajangersimasumik periuseqarluni misissuiffigineqarlutik.

Suliap ingerlanerani paasineqarpoq qinnuteqartut arlallit attartornermut isumaqatigiissuteqarsimanerminni unamminartunik nalaataqarsimasut, attartornermut uppersaait tutsuiginassusaat takujuminaatsuummat – angallatillu attartorneqarsimasut arlaqartut selskabinut arlalinnut isumaqatigiissusiorsimmata. Qinnuteqarsimasulli tamarmik attartornissamik isumaqatigiissuteqarnermik isumannaarisimapput.

Tamatuma kingorna naliliineq ingerlavoq qinnuteqartut piunasaqaatinik naammassinnisimanersut paasiniarneqarlutik – najukkamut qilersorsimalluartuusuunersut imaluunniit inuttanik ilinniartitsisinaanersut misissorneqarlutik.

Qinnuteqartut najukkamut qilersorsimalluartut innersuussuteqartut – qinnuteqartullu kalaallinik inuttanik ilinniartitsinissamik innersuussuteqartut - ataatsimoortillugit sullinneqarput.

Tulliuttunili taakkununga tunngasut immikkoortinneqarnissaat toqqarneqarpoq.

### **5.6.2.1. Qinnuteqartut najukkamut atassuteqarluartut akuerineqartut**

Najukkamut atassuteqarluarnermik tunngaveqarluni najoqqutassanik qinnuteqaammik naammassinnissimasut toqqaalluni naliliineq eqqarsaatigalugu aqutsinermi tunngavisani aalajangersarneqarsimavoq tamatuma isumagigaa sinerissamut qanittumi aalisarsinnaanermi pingaarutilimmik pigisaqartuunissaq.

Tamanna Naalackersuisoqarfimmit isumaqartinneqarpoq pineqartut tassaasut selskabit amerlasuunik piginnittullit – piginnittutullu pissarsiassanit agguagarsiassaat naligiikannersumik agguanneqarsimallutik.

Naalackersuisoqarfimmit paasissutissiissutigineqarpoq qinnuteqaatit tamarmik ataavartumik naleqqersuunneqarsimasut imminnullu sanilliunneqarsimasut taamalu aamma qinnuteqartut akornanni arlaqartut Naalackersuisoqarfimmit naliliiffigineqarsimallutik, allatigut piunasaqaatinik naammassinnittutut – qinnuteqartulli akuerineqarsimanngitsut piginnittut amerlassusaasa annertuumik piginnittuunissamik najoqqutassartaanut anngutinngimmata.

Sullissinerup sapinngisamik kinaassusersiortuunnginnissaa qulakkeerniarlugu – sullitallu naligiimmik pineqarnissaat isumannaarniarlugu – suliassat tamarmik immikkut naliliiffigineqarput kingornalu ataatsimoorussamik naliliiffigineqarlutik.

Tamatuma kingorna pisassiissutissanik agguassineq aalajangersarneqarpoq sullissit taakkualu pisortaasa akornanni aalajangiussanik misissuereerluni.

Saqqummiussami imatut allassimasoqarpoq:

*"Pisassiissutaasussat sinnerlugit qinnuteqaatit amerlanerujussuuppata taakkulu pi-  
umasaqaatinik naammassinnissimappata, Naalackersuisoqarfimmit naliliiffigineqarsin-  
naangilaq qinnuteqartut sorliit pisassinneqassanersut sorliillu pisassinneqanngitsuussa-  
nersut. Periuseq nunani sanilerisani aalisarnermik aqutsinermi pisassiissutinik ag-  
guaasarnermi nalinginnaasumik atorineqarpoq."*

Naalackersuisoqarfimmiilli pingaartinneqarsimavoq pisassanik agguaassiffigineqartut pi-  
sassaasa aningaasatigut imminnut nammassinnaanissaat. Allaffissornerup iluani  
eqqarsaatersuutigineqarsimavoq pitsaanerussasoq qinnuteqartut ikinnerusut pissarsisin-  
nissaat, selskabinut amerlasuunut ikittuinnarnik pisassinneqartunut naleqqiullugit.  
Tamanna eqqoriaanikkut pivoq, ilimagineqarmat angallatinik piginnittut ikittuinnarnik pi-  
sassa qarunik taakku iluatiginaviannikkaat, angallatinik attartortussaagamik. Taamaalior-  
nikkut angallatinik piginnittut isumaqatigiissutinik sumiginnaanissaat pisinnaammat.

Naalackersuisoqarfimmit pisassat aningaasatigut nammassinnaasat 5.000 tonsit nalin-  
ginut naliliiffigineqarput. Salliuatit tulliini pisassiissutissat katillutik 30.000 tonsiupput,  
selskabit arfinillit missaasa pisassaanniillutik.

Tamatuma kinguneraa selskabit qanoq piginnittoqartigineranut najoqqutassap ilassutitut  
atorneqarnera, taamalu selskabit 5-6-it piginnittoqarnerpaasut pisassanik agguagarsip-  
put.

Qinnuteqartut pisassiissutaasussanit amerlanerusimapput (pisassiissutit aningaasarsi-  
utaasinnaaneri eqqarsaatigalugit). Naalackersuisunut saqqummiussa " 2015-imi ava-  
leraasaqortuunik aalisakkanillu ikerinnarsiortunik pisassiinissami agguaassinermi sal-  
liutitsinissaq piumasaqaatillu", 11. marts 2015-imeersoq malillugu qinnuteqartut pi-  
umasaqaatinik naammassinnittut arlaqarpata, makitsinikkut aalajangersaasoqassaaq.

Makitsisoqanngilaq Naalackersuisoqarfimmit pingaartinneqarmat ataasiakkaanut pisas-  
siissutissat aningaasarsiornikkut akilersinnaasuunissaat, taakkulu 5000 tonsit nalinginut  
tagginneqarput. Salliuatitsinerit tulliini pisassiissutissat katillutik 30.000 tonsiupput, taakkulu  
selskabit arfinillit missaasa agguataarsinnaavaat. Selskabillu arfinillit 20-t sinnerlugit  
piginnittullit pissanik agguaassinermi pissarsinneqarput.

Taamaalilluni makitsinissamut tunngavissaaruppoq, naak tamanna Naalackersuisunut  
tunngavissami allassimagaluartoq.

Selskabit tallimaapput 20-t sinnerlugit piginnitsillit pisassanik agguaaffigineqartut.

Assersuutigalugu selskabit qulinik piginnittullit najukkamut atassuteqarluartut nalilerneqar-  
lutik pisassinneqartussaasuuppata tamanna makitsinikkut aalajangersarneqarsimassa-  
galuarpoq.

Pisassiissutitut agguaassat utaqqiisaasumik agguaanneqarput pisariaqarpat ag-  
guaanneqaqqissinnaangorlugit.

Najukkamut atassuteqarluartuunissamik najoqqutassamik isumasiuinermi kiisalu pisasatut agguaanneqartussamik eqqarsaatersuutit – tassunga ilanngullugit pisassanik anner-tunerusunik qinnuteqartunut ikittuinnarnut agguaasserusussimaneq – aqutsinermi tunngavissani Naalakkersuisunit akuerineqarsimasuni allassimangilaq.

Najoqqutassat taakku agguaassinermi tunngavissanut minnerpaamik ilaatinneqarsimasussaagaluarpot, taamaaliornikkut qinnuteqartut najoqqutassanik ilisimannereerniasammata.

### **5.6.2.2. Qinnuteqartut kalaallinik inuttanik ilinniartitsinissamik akuerineqartut**

Selskabit marluinnaat kalaallinik inuttanik ilinniartitsinissaasutut akuerineqarput. Selskabip aappaata 2014-ip ingerlanerani inuttat 13-14-it ilinniartissimavai aappaatalu marluk.

Naliliinermi ilinniartitsinerup iluani allanik tunngavissarsiorani taamaallaat ataatsimik inut-taqarsimaneq atorneqarpoq. Uppernarsaatinik immikkut piumasaqartoqarsimangilaq ilinniartitsinermilu qanoq angusaqarsimaneq uppersarsarlugu paasinianeqarsimanani.

Aqutsinermut tunngavissani erseqqissumik allassimavoq selskabit inuttanik ilinniartitsin-naasutut akuerineqarsinnaasut 2015-imi pisassinneqarnissami salliutinneqassasut. Selskabit aqutsinermi tunngavissat malillugit piumasaqaatinik naammassinnippot.

Naalakkersuisoqarfik selskabinik najukkamut atassuteqarluartunik kiisalu selskabinik ka-laallinik inuttanik ilinniartitsinissaasunik tunngavissatigut misissuereersorlu aalajangiun-neqarpoq selskabi inuttanik 13-14-inik ilinniartitsinissasoq pisassanik agguaassinermi tu-nineqassasoq, qinnuteqartullu aappaa kalaallinik inuttanik marluinnarnik ilinniar-titsinissasoq pisassanik agguaassinermi tunineqanngitsoorluni.

Aqutsinermi tunngavissani atorneqarpoq oqariartaaseq "inuttat" – tamannalu ima paasi-neqarsinnaavoq ataasiinnaanani arlallit pineqartut. Tunngaviatigut aqutsinermi tunngavis-sani ikinnerpaaffiliisoqarsimangilaq – isumagineqarsimappallu aalajangersimasunik amerlassusilinnik ilinniartitsinissaq siunertaasoq, naatsorsuutigisariaqaraluarpoq tama-tuma erseqqissumik allanneqarsimanissaa.

Sullissinermi ataatsimut missingiussa qanoq naapertorlugu selskabi itigartitaavoq.

Aalajangersimasunik amerlassusilikkanik inuttanik kalaallinik ilinniartitsinissamik pi-umasaqaat ikinnerpaaffilerneqarsimasussaagaluarpot siusinnerusukkullu tamanna avam-mut nalunaarutigineqarsimasussaagaluarluni.

### **5.6.2.3. Sullissinermi misiligutinik tigusisarluni uppersarsaatinik misissuineq**

Naalakkersuisoqarfik peqatigalugu qinnuteqartut arfinillit kikkuuneri aalajangerii-gaanngitsut sullinneqarnerat misissuiffigaarput. Misissuinerme pineqarput qinnuteqartut akuerineqarsimasut qinnuteqartullu itigartitaasimasut.



Misissuinermi qulakkeerneqarpoq suliani tamani immersukkamik qinnuteqarsimanissaq uppersaatinillu piumaneqartunik ilanngussisimanissaq kiisalu selskabimut akuersisummik itigartitsissummilluunniit allagaqaat.

Misissuinitanni paasivarput sullissinermi suliat ataasiakkaat qanoq sullinneqarsimaneri pillugit allassimasumik uppersaammik peqanngitsoq.

Sullissinermi taarsiullugu uppersaatitut atorneqarpoq suliap allassimanagera (excellimut angisuunngorlugu), tassani qinnuteqartut tamarmik agguassinissamat najoqqutassat aallaavigalugit imminnut sanilliusorneqarsimapput najoqqutarineqarporlu aamma Naalackersuisoqarfiup itisiliilluni ilassutitut najoqqutassiai taakkualu nassuiaataat.

Pinngitsoorneqarsinnaangilaq sullissinermi kinaassusersiortuunngitsumik naliliissagaanni qinnuteqaatinik pissarsiarineqartunik naliliinissaq. Misilitarneqarsimavoq sulianik naligiissitilluni ingerlatsinissaq – sapinngisamik kinaassusersiortuunngitsumik.

Tamanna ilaatigut pivoq qinnuteqartut tamakkerlugit suliassaqarfiup iluani suleqatigiissitamit naliliiffiqineqarnerisigut.

Naalackersuisoqarfik ilisimatitsivoq sullissinermi selskabit aningaasaqarnikkut qanoq inisisimanagerat ilanngullugu misissorneqarsimanngitsoq. Taamatut pinissaq toqqarneqarpoq nalilerneqarmat tamanna aalisarnermut pingaarutilerujussuunaviangitsoq, pisassiissutissat agguaanegartussaammata – akitsuumillu akiliinissamat aningaaserivinnit sillimma-siissutit pigineqarmata.

Naalackersuisoqarfimmit aammattaaq ilisimatinneqarpugut qinnuteqartut arlaannaatluunniit sinerissamat qanittumi aalisarsinnaanermut uppersaat nassiussisimanngim-magu tamatumalu kinguneranik malinnaatitsilluni sulineq tassunga tunngasoq suliari-neqarsimanngilaq, sullissinerup piffissakilliorfiunera pissutigalugu.

#### **5.6.2.4. Agguassinissamik aalajangerneq**

Sullissineq tunuliaqutaralugu Naalackersuisoqarfimmit nalilerneqarpoq qinnuteqartut talimat sinerissamat qanittumi aalisarsinnaanermut najoqqutassanik annertuumik pisin-naassuseqartuusut – selskabilu ataaseq inuttanik kalaallinik ilinniartitsinissamik najoqqu-tassanik naammassinnittut nalilerneqarpoq.

Taakku Naalackersuisunut saqqummiussassamat Naalackersuisoqarfimmit inassutigi-neqaramik akuerineqarput. Arctic Raven A/S politikikkut kissaateqarnerup kingunera-nik ilanngunneqarpoq, Naalackersuisut kissaatigimmassuk avaleraasartooriarnermi Tunumi innuttaasut akuutinneqalernissaat.

Aammattaaq aalajangiunneqarpoq pisassiissutit naligiimmik selskabinut toqqakkanut arfi-neq-marluusunut agguanneqarnissaat, tamarmik immikkut pisassarissallugit 4.285 tonsit.

#### **5.6.2.5. Agguassinermi itigartitsissutinik nalunaaruteqarneq**

Qinnuteqartuni pisassinneqartut itigartitaasullu tamanna pillugu allagarsisinneqarput.

Pisortani sullissineq pillugu Inatsisartut inatsisaat nr. 8, 12. juuni 1994-imeersoq malillugu § 22-mi allassimavoq *“Aalajangersaaneq allakkatigut nalunaarutigineqartoq malitseqartinneqartussaavoq aalajangernerup tunngaviata nassuiarneqarsimaneramik, aalajangerneq illuatungerisamik isumaqateqarnermik pinngippat.”*

Inatsimmi tassani § 24-mi allassimavoq *”aalajangernerut tunngaviusumi eqqartuussuserinermi malittarisassanut innersuussuteqartoqassaaq, ilisimatitsissutigineqassalluni aalajangersaanermut suut tunngaviusimanersut. Malittarisassat malillugit aalajangerneq allafissornikkut missingiussamik tunngaveqarpat, tunngaviusumi pingaarnertitat missingiuserinermi aalajangiisuusimasut ilanngullugit nassuiaatigineqartussaapput.”*

Itigartitsilluni allakkiani itigartitsinermut suna tunngaviusimanersoq annikitsuinnarmik taaneqarsimavoq – Naalackersuisoqarfik malillugu piffissaalatsineq suliallu ingerlannerani sulisussaaleqineq pissutigalugit.

Siunnersuutigineqassaaq itigartitsinermi allagaqaatit immikkoortunut marlunnut avineqartassasut.

Itigartitsilluni allakkiaq siulleq naatsuinnaassaaq tamanullu assigiimmik nalunaarutaassalluni tassani allassimassalluni kingusinnerusukkut itigartitsineq itisilerlugu allagaqartoqarumaartoq. Taamaaliornikkut qinnuteqartoq piaartumik allaffigineqassaaq sullissinissamullu inatsit naapertorlugu tunngavilersukkamik akineqarluni.

Immikkoortut aappaanni qinnuteqartut ataasiakkaat pisassanik agguaassinermi itigartitsinermut tunngavimmik nassuiaanneqarlutik allaffigineqassapput.

#### **5.6.2.6. Eqikkaaneq**

Sullissinermik misissuinerup takutippaa Naalackersuisoqarfimmit itisilerneqarsimasoq suna pillugu najoqqutassat ilassutissaannik taakkualu nassuiaataannik suliaqarsimaneq tamatumalu kingorna sullissineq tamanna tunngavigalugu ingerlanneqarsimavoq, kinaassusersiunnginnissaq pingaartillugu.

Salliat aappaanni pisassanik agguaassineq ingerlavoq pisassat aningaasarsissutaasinnaanerat najoqqutaralugu, 5.000 tonsit missingi pisassiissutaallutik tamatumalu kingorna selskabit arfinillit periarfissineqartut toqqarneqarsimapput piginnittoqarnermik atituumik inissisimanertik kiisalu kalaallinik inuttanik amerlanerpaanik ilinniartitsisinaanertik pissutigalugit.

Tamanna isiginiartariaqarpoq suli pineqarmat nutaamik aalisariaatsimik atuilersimaneq – tamannalu pissutigalugu ajornakusoorsimavoq sioqqutsilluni najoqqutassanik tamanik siumut isigaluni suliniarnissaq aalajangersaanissarlu. Taamaammalli naatsorsuutigisariaqarpoq erseqqissaatit taamaattut suliap ingerlanerani soqutigisaqaqatigiinnit isornartorsiorneqarsinnaammata.

Pisassanik agguaasiniarluni suliap ingerlanerani najoqqutassanik suliaqarnermi suliamut atatillugu soqutiginnittut amerlanerat sunniuteqarsimavoq. Taamaattumik ingerlatsinerup immikkoortuisa akornanni siunertaanngikkaluartumik pisoqartarsimavoq:

1. Agguaassinissamut najoqqutassanik ilusilersuinermi
2. Qinnuteqaammi
3. Qinnuteqaatinik sullissinermi

Piviusorsioortumik oqaatigissagaanni qinnuteqaatit 49-t sapaatip akunnerisa marluinnaat ingerlaneranni suliarineqarsimapput tamannalu Naalakkersuisoqarfimmi sulisunik suleroortitsisimavoq.

Ilutigalugu qinnuteqaatit pitsaassusaat assigiinngiaarsimaqaat pisariaqarsimavorlu paassissutissanik allanik uppersaatitullu atortussanik pissarsiniarnissaq.

Inassutigineqassaaq siunissami suliamik ingerlatsineq siunertamut tulluarnerusumik aaqqissuunneqassasoq, piffissaqarnerulluni pitsaannerusumik sullissinissaq qulakkeerniarlugu. Aammattaaq inassutigineqassaaq qinnuteqaqqusinissami atortussat suliarineqassasut qinnuteqaatinut tapertaasussat pitsaanerulersillugit taamalu kingunerisaanik sullissinissami atorluarneqarsinnaasunngorlugit.

Malittarisassioernermi tunngavissat ilusilersorneqartillugit politikikkikullu suliarineqareerneranni, pingaartuuvoq inatsisitigut naliliisitsinermik misigisaqarnissaq kiisalu sullissinermi iluamik eqqortumillu pineqarsimaneq taamalu malittarisassatut tunngavissanik malinnineq.

Inassutigineqassaaq siunissami qulakkeerneqassasoq najoqqutassat attuumassuteqartut pisassiissutinik agguaassinermi malittarisassatut tunngavissani politikikkikut aalajangersarneqarsimasuni allassimasuussasut.

Aamma erseqqissassavarput pingaartuummat qinnuteqartunik itigartitsinermi itigartitsinermi tunngavissat pisariaqartut nassuiaatigalugit ilanngunneqartarnissaat – tassunga ilanngullugit pisassiissutinik tunniussinissami sordiaat naamassineqarsimannginersut innersuussutigalugit.

## 6. Assuarnaassuseq

### **Suliap nassuiaataani imm. arfineq-aappaat:**

Pitsaasumik ingerlatsinissamut ileqqussarititaasut malinneqarsimapput – tassunga ilanngullugit assuarnaatumik ingerlatsinissamut malittarisassat – agguaassinissap ingerlarngani

Aalisarnermut, Piniarnermut Nunalerinermullu Naalakkersuisoq 14.05.2015-imi nalunaarpoq avaleraasaqpoorniarnermi pisassanik agguaassinissamut tunngatillugu suliamut attuumassuteqarpalaartumik akuliusimalluni. Ilisimatitsissutaasut naapertorlugit attuumassuteqartut akuliusimasuuneq 08.05 paasineqarpoq tamatumalu kingorna kimut atalluni sulisussaaneq Naalakkersuisut siulittaasuanit ingerlanneqalerpoq.

Suliamut attuumassuteqarpalaartumik akuliusimanermit pissutaatinnearpoq qinnuteqartut akornanni selskabi qinnuteqartunut ilaasoq Naalakkersuisup atorfimminut iveritinnearngikkallarami piginneqataaffimmagu siulersuisuinilu ilaasortaalluni – sulilu ilaqtatut qanigisaa ataaseq piginneqataammat.

Nalinginnaasumik ilisimaneqarpoq Aalisarnermut, Piniarnermut Nunalerinermullu Naalakkersuisoq Naalakkersuisuni ilaasortatut toqqagaanngikkallarami – selskabimik aalisarnermik ingerlatsisumik piginneqataasoq siulersuisuinilu ilaasortaalluni.

Selskabip piginneqataassutaani atuuttumi piginneqataassutitut pigisai katillutik 1,69 procentiupput. Tassani aamma takuneqarsinnaavoq Naalakkersuisup qanigisaralugu ilaqtata piginneqatigiissuteqartoq 0,34 procentinik.

Taassuma saniatigut piginnittut arlaqartut Naalakkersuisup naggateqatigai. Taakkununga ilaapput ilaqtataasut allat marluk (akkai) taakkuli aallaaviatigut qanigisat pillugit aalangersakkanut ilaanngillat. Ilisimatitsissutigineqartut malillugit inuit allat pineqartut ilaqtarinngilai.

Ilisimangilarput taakkua qanigisariillutik ilaqtariittut aamma sinerissamut qanittumi aalisarsinnaatitaanersut. Agguaassinissamut najoqqutassani najukkamut atassuteqarluartuuneq ilaatigut nassuiarneqarpoq piginnittut akornanni sinerissamut qanittumi aalisarsinnaanermik pingaarutilimmik pigisaqarneq tunngaviussasoq.

Aalisarnermut, Piniarnermut Nunalerinermullu Naalakkersuisoq Naalakkersuisunut ilaasortanngorami siulersuisunit tunuarpoq ilisimatitsissutigineqartullu malillugit piginneqataassutsini tuninialuarlugit. Tamanna iluatsinngimmat piginneqataassutsini ilaqtatut

qanigisaminut ingerlatassanngortippai. Tamannali aatsaat pivoq 08.02.2015-imi (kingumoortumik atuuttussanngortitamik 01.01.2015-imi).

Naalackersuisulli maluginianngitsoorsimavaa tamanna assuarnaatsumik pissusilersornisamat naammanngitsoq, assuarnaatsuunissamat ilaammata qanigisat aningaasarsiornermi soqutigisaat.

19.01.2015-imi Naalackersuisoqarfiup selskabip qinnuteqaataa pissarsiaraa, qinnutiginearlutik avaleraasartuunit pisassat 6.000 tonsit. Qinnuteqaat Naalackersuisoqarfimmit qinnuteqaatitulli allatut suliarineqarpoq pissarsiarineqarnermini – imaappoq nalunaarsorneqarluni toqqorneqarpoq kingusinnerusukkullu suliarineqartussanngortitaalluni.

17.02.2015-imi Naalackersuisoqarfimmi immikkoortortamut pisortaq selskabimi pisortasimasumit mailimik nassitippoq pisortasimasorlu qinnuteqaatip akineqarnissaanik nukingisaarivoq. Mailikkut allakkamini nassuiaatigaa pisassat selskabip aningaasaqarniarnernut sooq pingaaruteqarnermut. Ilisimatitsissutigineqartut naapertorlugit maili tiguneqarami nalunaarsorneqarlunilu toqqorneqarpoq kingusinnerusukkut suliarineqartussanngorlugu.

Qinnuteqarnissamat killigititaasoq naammat sullissineq aallartippoq. Naalackersuisoqarfimmit sulisunit apersuinerit naapertorlugit 08.05-imi paasineqarpoq Naalackersuisoq selskabimut tunngatillugu assuarnassuseqartoq. Naalackersuisoqarfiup pisortarigallagaa Naalackersuisullu siulittaasoqarfiani inatsisilerinnermut pisortaq isumasioqatigiipput isumaqatigiissutigineqarporlu pisassiissutinik agguaassinissamat atatillugu politikkikkut sullissinnermut akisussaaffik Naalackersuisunut siulittaasup tigussagaa.

Naalackersuisoqarfiup sullissinini kiisalu selskabit sorliit pisassinneqarnissaannik suliaqarnertik nangippaat. Suliaq pineqartoq inaarsarneqarpoq pisassiissutissatut agguaassinissamat inassuteqaammik Naalackersuisunut suliaqarnikkut Naalackersuisut siulittaasuata inassuteqaatissaq saqqummiuppaa.

Naalackersuisoqarfimmit ilisimatitsissutigineqarpoq suliaq pillugu Aalisarnermut, Piniarnermut Nunalerinnermullu Naalackersuisoq eqqartueqatigineqarsimanngitsoq tamannali uppersaruminaappoq.

Siulittaasup naalackersuisoqarfia suleqatigalugu akuliusimasuunermut uppersarsaat suliarineqarpoq pisassiissutissanik agguaassinissamat saqqummiussassamat ilanngunneqartumik. Tamatuma kingorna suliaq Naalackersuisunut akuerisassanngortinneqarpoq, pisassiissutissanik agguaassineq Naalackersuisut siulittaasuannit aqunneqartussanngortinneqarluni Aalisarnermut Naalackersuisup peqataaffinngisaanik.

Aalisarnermut, Piniarnermut Nunalerinnermullu Naalackersuisoq Naalackersuisoqarfiullu Naalackersuisutulli ivertinneqannginnermi ilisimavaat assuarnaatsuunissamat tunngatillugu ajornartorsiut pileriaannaasoq - Naalackersuisup taamatut sulilernissani sioqqullugu selskabimik aalisarnermik ingerlatsisumik piginneqataasimanerata malitsigisaanik. Taamaattumik Naalackersuisoq naalackersuisutut ivertinneqalerami aalajangerpoq selskabip siulersuisuinit tunuarniarluni (Erhvervsstyrelsimit nalunaarsuina malillugu 09.12.2014-imi) piginneqataassutsiminillu tuniniaaniarluni (08.02.2015-imi piviusunngortinneqartumik).

Taamaamat ilisimaneqarsimavoq taamatut pisoqarsinnaanera. Naalackersuisulli maluginianngitsoorsimavaa assuarnaatsuunissamat tunngatillugu qanigisat aningaasarsionnermi soqutigisaat aamma ilanngunneqartartut. Naalackersuisup tamanna maluginiarsimasuuppagu illersuuteqarnissamat periusissiorluni assuarnartumik iliuseqarnissaq pinngitsoortinniarneqarsimassagualarpoq.

Ullormi Naalackersuisoqarfiup selskabip qinnuteqaataanik pissarsiffigisaani (19.01.2015) ajornartorsiut maluginiarneqarsinnaagualarpoq.

Ullormi Naalackersuisoqarfiup selskabimit mailisiffigisaani (17.02.2015) ajornartorsiut maluginiarneqarsinnaagualarpoq.

Assuarnaatsuunissamat tunngatillugu unaminartut – paasissutissinerit naapertorlugit – takkutiinnartulli paasineqarmata Aalisarnermut Naalackersuisup oqartussaataaananut tunngasut piaartumik Naalackersuisumut allamat tunniunneqarsimasussaagualarput, inassuteqaatissatut tunngavissat politikkikkut suliarineqartussat piareernissaat utaq-qeqqaarnagit. Naalackersuisoqarfiulli ilisimatitsissutigaa politikkikkut akisussaaffik 08.05.2015-imili allamat nuunneqarsimasoq, Naalackersuisup siulittaasuaqarfiata oqaloqatigeernerani.

Arlalinnik periarfissaqartoqarsimagualarpoq assuarnaatsuunissamik ajornartorsiummik suliaqarnissamat – assuarnartuunerlu paasineqarmat oqartussaataaneq piaartumik allanngortinneqarsimasussaagualarluni.

Erseqqissartariaqarporli Aalisarnermut, Piniarnermut Nunalerinermullu Naalackersuisoq selskabimik iluaqusiiniarsimasutut pasinartorsiffigineqanngimmat – misiliigaluarsimananiluunniit.

Erseqqissartariaqarportaaq Naalackersuisup ilaqutaasa selskabimi piginneqatigiissutaat annikitsuinnaammata (Aningaasaliissutitigut piginneqataassutsit 1,69 procentii + 0.34 procentit), taamaattumillu ilaqutariinnut aningaasatigut toqqaannartumik iluanaarutaasinnaasut annikitsuararsuussallutik.

Qularutissaanngilaq pisortani sullissinissaq pillugu Inatsisartut inatsisaata nr. 8-p, 12. juuni 1994-imeersup §-iisa pingajuanni imm. 1-imi suliamut attuumassuteqarmat, tassani pineqarmata assuarnaatsuunissamat tunngasut.

Qularnarnerusorli tassaavoq pisup – ilaqutariit qanoq akuliusimatiginerannut tunngasortaata – inatsimmi pineqartumik § 3-mi imm. 2-mut tunngatinneqarsinnaanera (soqutigisap suussusaa sunniutigisinnaasalu) tamannali Namminersorlutik Oqartussani inatsisilerinermut pisortap Naalackersuisup assuarnassusaanik naliliinermini pisi-mannnginnerarpaa.


Eqqartuussuserisumik siulianut tunngasoq pillugu naliliisitsivugut taassumalu eqikkaalluni naliliinerit inassutillu taperserpai.

# 7. Sulisinnaassuseq piginnaasaqassutsillu

**Suliap nassuiaataani imm. arfineq-pingajuat:**

Naalackersuisoqarfik suliassap kivinnissaanut naammattunik sulisinnaassuseqarpoq piginnaassuseqarlunilu

Aalisarnermut, Piniarnermut Nunalerinermullu Naalackersuisoqarfik imatut aaqqissugaavoq:



Pissarsiffigisaq: [www.Nanoq.gl](http://www.Nanoq.gl)

Aalisarnermut immikkoortortaqarfimmi katillugit inuit qulit sulisorineqarput. Taakkunannga ataaseq allaffimmi pisortatut, sisamat sinerisassamut qanittumi aalisarnermik suliaqarput kiisalu talimat sullissinermi oqimaannerusunik suliaqarlutik, soorlu pisassanik aalajangersaanermik, avataasiorluni aalisarnermik assigisaanillu.

Pingaartumik sulisut pingasut avaleraasartooriarnermi pisassanik aalajangersaanermik sullissinermillu suliassanik isumaginnittuusimapput.

Naalackersuisoqarfimmit erseqqissarneqarpoq aalisakkanik ikerinnarsiortunik aalisarnermik aalartitsisoqarnerata kingunerisaanik immikkoortortami sulisut amerlineqarsimanngitsut.

## 7.1. Sulisinnaassuseq

Naalackersuisoqarfimmut qinnutigigaarput sulianut tamakkiisunut takussutissiat kiisalu tamatuma aaqqissuuneqarsimanera – ilassutitullu sulisut ataasiakkaat suliassanut qanoq piffissamik atutigisarneri (pingaarnertut).

Suliassat allaaserineqarsimanagerat pissarsiaraarput ilanngunneqarsimanngilarli piffissamik qanoq atutigisarneq. Naalackersuisoqarfiup ilisimatitsissutigaa avaleraasartortassat pilugit sullissinermi piffissartortorujussuusimallutik. Tamatumunnga pissutaavoq qinnuteqaatit amerlasoorujussuusimanagerat tamarmillu sukumiisumik sularineqartariaqarsimanagerat, aallaqqaataaniilli atortussat kissaatigineqartut tamakkiisuusimanngimmata – sulliallu ingerlanerani ataavartumik mailikkut akissuteqartarnissaq assigisaalu ingerlanneqartariaqartarsimammata.

Avaleraasaqpoortassanik sullissinermut atatillugu Naalackersuisoqarfimmii sulisut ilaneqarsimanngillat tamatumalu kingunerisaanik suliassanik tamakkiisunik aaqqiinarneq piffissartornikinneruffiusimalluni.

Ilutigitillugu qinnuteqarnissamut killigititaasoq sivitsorneqarpoq aalisarnerup aallarterivinnera tikillugu tamannarpiarlu sullissinermi ulapititsinerujussuarmik kinguneqarsimavoq.

Qularutissaanngitsumik Naalackersuisoqarfimmi sullissisut sulipiloortinneqarsimapput.

Naliliinerput naapertorlugu suliamik ingerlatsineq makkunatigut pitsanngorsarneqarsinnaavoq:

- Agguaassinissamut tunngavissat erseqqinnerusumik najoqqutassiuunneqarsinnaapput siusinnerusukkat aalajangersarneqarsimasumik
- Qinnuteqaatit immersugassartaannut piumasaqaatit piuminarnerusunngortinneqarsinnaapput uppersaataatitullu suut ilanngutassaanersut nalunaarsorneqarlutik
- Qinnuteqaatit ilitsersuutini tapertaqartinneqarnerusinnaapput
- Qinnuteqaatit pissarsiarineqaraangata tamakkiisuunersut qulakkeerneqartariaqarput – qinnuteqarfissap qaangiunneranut utaqqinnagit. Taamaaliornikkut ataavartumik naliliiffigineqarsinnaanngussaaq qinnuteqaatit piumasaqaatinik naammassinninersut.
- Erseqqissarneqassaaq qagugu akuersissutit itigartitsissutillu pisortatigoortumik nalunaarutigineqartassasut (taamaaliornikkut apeqquteqaatit arlaqartut pinngitsoortinneqarsinnaapput)



- Itigartitsilluni allakkiat pingaartumik naleqquttumik tunngavilersugassaapput

Naalackersuisoqarfimmit uagutsinnut ilisimatitsissutigaaat massakkorpiaq piffissarujussuaq atorneqartartoq sulianut nukingernartunut. Aamma ullut angallavigisat amerlanerit suliasallu allat pissutigalugit sullissinerit allaanerusumik ingerlanneqarsimasinnaasimangillat.

Taamaattumik – misissuinissamut sinaakkutaasut iluanni – nalileruminaappoq immikkoortartaqarfimmi sulisut ilaneqarnissaannik pisariaqartitsisoqarneris, ingerlatsinerup pilersaarusionerqarneranik tamakkiisumik sulineq ilanngunneqassappat taamatullu pisariilisaanermik suliat assigisaalu.

Eqqarsaatigineqarsinnaavoq sulianik ingerlatsisernerup, piffissartornerup sulisinnaassutillu imminnut qanoq ataqatigiinnerat pillugu sukumiisumik misissuisoqarnissaa.

## 7.2. Piginnaangorsarsimassuseq

Sulisut pingaarnerusutigut tassaapput AC fuldmægtigit atorfilit aalisarnerup iluani atugarsornikkut atituumik ilisimasaqartut. Sulisut sulianik allanik aallussinermikkut qinuteqartut kikkunerinik, kalaallilu angallataannik amerlasuunik assigisaanillu sukumiisumik ilisimasaqalersimapput.

Taamaattumik pissutissaqanngilaq immikkoortotami aalisarnermut tunngasutigut piginnaangorsarsimassuseqarneq qularissallugu.

Selskabinut tunngatillugu inatsisinut tunngasuni, piginnittuunermut tunngasuni aningaasaqarnerullu aaqjissuussaananerani immikkoortartaqarfiup nammineerluni oqaatigaa siunertamut tulluarnersagaluartoq suliassaqaqarfinni pineqartuni naliliinerni sulisut piginnaangorsarsimanerusut peqataatinneqarnerusarnissaat.

Naalackersuisoqarfimmi sulisut ataatsimut isigalugit sulianik isumaginninnermi anneruumik piginnaangorsarsimasutut isikkoqarput, pisariaqartinneqartartorli tassaavoq qinuteqartut piginnittuunerinut aningaasaqarnerullu aaqjissuussaananeranut tunngasuni piginnaangorsarluarsimasunik allanik nalileequateqartarnissaq.

## 8. Maluginiakkat allat

Misissuineramik ingerlatsinitsinnut atatillugu pissutsit ilaat suliassamut toqqaannartumik tunngasuunngitsut maluginiarpagut, nalunaarusiornitsinni ilanngunneqartariaqartutut isigisagut.

### 8.1. Angallatit attartukkat

Salliutatit tulliini selskabinut kalaallinik piginnuttulinnut pisassiissutissanik agguaassinermi (Aalisarnermut inatsimmi § 6 malillugu) najukkamut atituumik qilersimasuunissaq aamma/imaluunniit selskabit kalaallinik aalisartunik ilinniartitsisussat.

Selskabit arlallit salliutitsinermi pineqartumi pisassanik agguaassiffigineqartut ilisimatitsissutaa-  
sut naapertorlugit suleqatiminnut angallatinik attartornissamik isumaqatigiissuteqarput, selska-  
bimit suliassatuaallutik suleqammut pisassiissutitut agguagarsianik tunisaqarnissaq.

Suleqatit toqqakkap aalisarneq ingerlattussaavaa, tassunga ilanngullugit inuttanik atorfini-  
sitsinissaq, angallammik ingerlatsinissaq kiisalu pisanik tunisineq tuniniaanerlu.

Tamatuma kingorna suleqataasup selskabimut kalaallinik pigineqartumut pisanik kiilumut qanoq  
akeqartitsinissaq aalajangersarlugu akiliisitsisarpoq – selskabillu kalaallinik pigineqartup tama-  
tuma kingorna Namminersorlutik Oqartussanut avaleraasaqortoorniarnermut akitsuut akiler-  
tarpaa.

Selskabip kalaallinik pigineqartup niueqatigiinnermi nalornissutaasinnaasut allat isumakuluutigi-  
neq ajorpai – pisassat qanoq angitiginerisa kinguneris eqqaassanngikkaanni.

Allatut oqaatigalugu kilisaataatileqatigiit nunanit allamiunit piginnitillit taamaallaat piginnittunik  
Aalisarnermut inatsimmi § 6 naapertorlugu piumasaqaataasut naammassisassarai agguaassi-  
nermilu najoqqutassat allat. Pisariaqarsorinarpoq suleqatip piginnittunut aningaasanik atukki-  
isarnissaa selskabip aningaasalersornerani pisariaqartitat sinneruttut 2/3-iusut akilerneqarsin-  
naaqullugit.

Kilisaataatileqatigiit nunanit allamiunit pigineqartut 100.000 kr.-t missaanniittunik akiliinermikkut  
Kalaallit Nunaanni avaleraasaqortuunit pisassiissutinik pisisinnaatitaalersinnaapput.

Naalackersuisoqarfimmit ilisimatitsissutigineqarpoq tamatumunnga pissutaasoq pisanut upper-  
narsatinik amerlanerusunik pissarsinissamik kissaateqarneq, taamaaliornikkut uppernarsarni-  
arneqarmat Kalaallit Nunaanni aalisarnermik ineriartortitsinissaq – tassunga ilanngullugit naala-  
gaaffinnik aalisarnermik ingerlatsisunik isumaqatiginninniartarnermut tunngasut assigisaalu.

Erseqqissartariaqarpoq politikikkut aalajangersagassaammat kikkut Kalaallit Nunaanni aalisarsinnaatitaanissanersut – piumasaqaatillu sorpiaat tunngavigalugit.

Taamaattumik aaqqiissutissatut toqqarneqarsimasoq pillugu isornartorsiuviniangilagut – allatulluunniit isummersorniarnata.

## 8.2. Pisortanut akiitsut

Pisassanik agguaassinermi maanna atuuttumi ilanngunneqarsimangillat selskabit – imaluunniit selskabit piginnittutut tunuliaqutaat – pisortanut akilernerqarsimangitsunik akiitsoqarnersut.

Paasissutissaq taanna piumasaqaataavoq – allatigullu arlalitsipassuartigut pingaartinneqarluni.

### Om Deloitte

Deloitte leverer ydelser inden for Revision, Skat, Consulting og Financial Advisory til både offentlige og private virksomheder i en lang række brancher. Vores globale netværk med medlemsfirmaer i mere end 150 lande sikrer, at vi kan stille stærke kompetencer til rådighed og yde service af højeste kvalitet, når vi skal hjælpe vores kunder med at løse deres mest komplekse forretningsmæssige udfordringer. Deloitte's ca. 200.000 medarbejdere arbejder målrettet efter at sætte den højeste standard.

### Deloitte Touche Tohmatsu Limited

Deloitte er en betegnelse for Deloitte Touche Tohmatsu Limited, der er et britisk selskab med begrænset ansvar, og dets netværk af medlemsfirmaer. Hvert medlemsfirma udgør en separat og uafhængig juridisk enhed. Vi henviser til [www.deloitte.com/about](http://www.deloitte.com/about) for en udførlig beskrivelse af den juridiske struktur i Deloitte Touche Tohmatsu Limited og dets medlemsfirmaer.

© 2015 Deloitte Statsautoriseret Revisionspartnerselskab. Medlem af Deloitte Touche Tohmatsu Limited